

那文毅公奏議

那文公二任直隸總司奏議目錄

卷六十二

恭謝

天恩

卷六十三

懇恤民瘼

賑撫磁州地震

卷六十四

恭報雨雪

卷六十五

經營漕政

籌剝海運

卷六十六

宣防疏濬

建修工作

卷六十七

興復義倉

附議追賠州縣虧缺

清查宣化倉儲

催辦旗租

議追地糧

附勒限清釐  
縣徵存未解地糧

議實庫儲

卷六十八

訓練武備

附酌定修製器械章程

疏通駐防旗兵

整飭邊戍限期

懇濟兵需

議設多倫諾爾廳學校

籌備新疆兵差

卷六十九

搜弭盜源

附議改罪名

酌裁捕盜兵弁改加快役

卷七十

分讞諸獄

附酌改京控杖徒各案爲題  
遣犯議請復州縣自理詞訟  
疏通新甌  
稽查舊制  
留養人犯分別距省遠近  
審委審事

卷七十一

推薦賢能

因時改隸

請改四路同知廳俸

酌定邊俸州縣補用章程

卷七十二

糾彈庸劣

請禁私役

那文毅公二任直隸總督奏議卷六十二目錄

卷六十二

恭謝

天恩

那文毅公二任直隸總督奏議卷六十二

上海市歷史文獻圖書館藏

男容安編輯

恭謝

天恩

道光五年十月二十二日瞻

覲

道光五年十月二十八日奉

上諭蔣攸銛著來京供職直隸總督著那彥成補授

道光五年十一月初十日

奏爲恭報微臣抵任日期叩謝



天恩事竊臣三載邊陲毫無寸効昨蒙

召覲

訓勉諄詳犬馬戀誠藉以少釋不期復沐

鴻施畀以直隸總督五中感悚莫可名言自

陛辭後卽於初六日起程初八日行抵保定省城初九

日辰刻准前督臣蔣攸銛派委文武大員齎送關

防並

王命旗牌等件前來當卽恭設香案望

闕叩頭祇領伏念

臣

識淺才庸復膺重寄雖從前曾

任此地而相距已及十年一切情形多非昔比昨

陛辭時仰蒙

聖明訓示必須首嚴武備整飭地方跪聆之餘當卽時  
時籌度第直隸爲

畿輔首區一應事務繁劇倍於陝甘容俟察看稍有眉  
目卽當殫竭愚誠勉圖整頓斷不敢稍存畏難就  
避之私以冀仰報

高厚鴻慈於萬一謹

奏奉

硃批盡心力而爲之以副委任

道光六年五月十五日長子容安蒙

恩授正紅旗漢軍副都統

道光六年五月二十日

奏爲恭謝

天恩事竊

臣接閱家信知

臣長子容安仰蒙

聖恩補授正紅旗漢軍副都統聞信之下感悚交深伏

念

臣世沐

深仁躬膺重任忝封圻之領袖荷

委畀之隆恩夙夜圖維正愧毫無報稱至於

臣兩子尤

屬魯鈍年輕茫無知識久叨

驅策之殊恩已覺駑駘之非分豈意仰蒙

高厚頻沐

稠施去歲

臣

次子容照業已濫厠卿班今茲長子容安

復荷

擢膺峻秩一門之內疊被

鴻慈父子三人均秩聯一二品大員不特

恩榮過分刻凜氷兢卽今門第之盛求諸內外諸大臣

中一時亦罕有其匹盟心銜感旣難報夫涓埃而

戒滿持盈且倍深夫悚惕

臣

惟有嚴切訓勵教其

誠敬事

君勤慎辦理不得稍涉虛浮亦不得稍存高興果能事

事實心實力則事事自能有濟惟誠惟勤庶可補  
天分才力之所不及時加慎勉上報

鴻施始可仰承

恩眷謹

奏奉

硃批知道了

道光六年八月二十一日

奏爲恭謝

天恩事竊

臣

接閱邸抄欽奉

上諭本年海運現已全數抵津迅速歲事直隸總督那

彥成督率藩司屠之申酌議章程預爲經理妥善那  
彥成著交部議敘欽此當卽恭設香案叩頭謝

恩伏查本年直隸辦理江蘇海道漕米臣僅與藩司屠

之申酌定章程並飭清河天津二道多備剥船疏

通河路及派委員弁輪流押送臣並未到津躬親

督率實無纖悉微勞乃荷

聖主隆施

賞加議敘

恩慈優渥感愧交深臣惟有倍竭愚誠益加勉力於地

方營伍各事宜盡心整頓辦理以冀稍答

聖恩於萬一謹

奏奉

硃批知道了

道光七年閏五月初二日長子容安從征回疆蒙  
恩授爲阿克蘇幫辦大臣

道光七年七月十七日長子容安蒙

恩調正藍旗滿洲副都統

道光七年九月十七日回疆克復四城長子容安  
次子容照均以從征蒙

恩交部議敘

道光七年九月二十一日長子容安蒙

恩授伊犁泰贊大臣

容安謹按以上四事 先公謝

恩奏稿未存然紀

恩書事謹誌其目

道光七年十一月二十三日

奏爲道經保定將直隸應辦一切事宜詳悉交代奏

慰

宸懷事竊

臣

陛辭後出京於本月二十二日抵保定省城當將

臣



門應辦一切公事與護督臣屠之申逐細面爲講  
求俾諸事得有把握益可措置裕如伏念臣仰蒙  
恩命調任直隸已屆兩年因係舊治之區諸易入手而  
又分理得人是以諸事漸就整頓竊惟

畿輔重地當以除莠安良爲第一要務臣到任以來  
派令文武員弁嚴密躡捕先後拏獲竊盜二千一  
百七名現尙有未結各案擬審結後查明出力人  
員於年終奏請鼓勵旋因交卸未及查辦茲飭署  
臬司陶樑確查獲犯最多情罪較重者開單由護  
督臣酌核奏懇

天恩量予獎勵庶各員弁知所奮勉而緝捕更可得力  
至奉

旨交辦之案除陸續訊結外尙有三案因人証未齊未  
能審結已囑護督臣屠之申趕緊催傳各案人証  
卽行訊明奏結又整頓營伍亦屬目前要務屠之  
申前因射中布靶

賞戴花翎射箭本其所能而臣每於校閱操陣時有心  
令其隨同閱視打鎗射箭之法備細講求亦頗領  
會從此加以勤練便可嫻熟但須各將備認真訓  
練日久不懈臣已嚴加諭飭並令將臣所排戰陣

隊伍照常操演諭以臣雖暫時出差直督臣本缺

將來考校設有生疎不稍輕恕層之申辦事認真

亦斷不至任其懈怠至天津水師裁撤後改設之

大名鎮各官兵除應建衙署等項因現值停工之

時再行從緩興辦外查大名毗連山東河南地處

極要近又每有匪徒勾結之案巡緝操防尤關緊

要臣已諄囑層之申不時嚴飭各將弁嚴緝勤操

毋使有名無實至臣奏辦勸捐義穀新舊四十二

萬餘石均已實貯在倉各州縣修復義倉均已一

律落成間有因凍停工展限開春報竣者不過十

之一二倉廩歲修亦皆籌有經久之資全在督飭  
各州縣慎守其成不稍侵挪廢弛仍俟豐稔之年  
再行續勘俾倉廩益臻充裕緩急可以無虞又  
奏明裁汰書役二萬三千餘名通省徭役一均民  
間稱便若不隨時嚴查恐日久又復增添於除弊  
之法依然無益此二者皆層之申隨臣辦理完善  
深知持久乃有成效臣復諄切楸勉不致懈弛此  
外惟長蘆鹽價改用銀椿實於

國計商運大有關係經臣條奏部議請

旨飭交河南山東撫臣查議覆奏臣採訪輿論並無窒



治而六廳州縣向用理事同知通判兼管不諳地方情形公事每多貽悞經臣奏請照烏魯木齊之例由口內州縣不分滿漢對調將刑名錢穀各事均歸都統題奏奉

旨飭部議准其一切章程現尙會同熱河都統核議已囑屠之申悉心酌議奏明請

旨定奪總期行之久遠無弊俾口外地方日臻治理保

甲一事

臣

於嘉慶十九年在任時責令各州縣確

查造報歷久遵行前督

臣

蔣攸銛增益條規編查

較易

臣

復飭該州縣實力查造丁男戶口按籍可

稽於弭盜詰奸之法不無裨益惟囑屠之申循照

辦理該護督

臣仰沐

殊恩膺茲重任亦斷不敢稍涉因循苟且自外

生成

臣

交代事畢卽於二十四日自省起程前進再本

月十九日省城得雪四寸有餘經過之良鄉涿州

等處均得雪二三四寸來春麥收可期豐稔民氣

恬熙仰仗

皇上鴻福誠爲太平氣象謹

奏奉

硃批諸凡認真經理可嘉之至仍有而諭未盡之言茲

特諭之

容安謹按此摺所奉

硃筆密諭未敢存稿是以未載是時回疆喀什噶爾逆  
首張格爾尙在稽誅爰有西使之

命直隸方伯屠公之申署理督篆直督缺並未開以故  
自道光五年十二月起至十一年二月止事蹟  
仍並爲一任恭載餘卷皆同自道光七年十一  
月至九年六月督辦軍務并善後事宜另卷  
恭載於後

道光八年三月十八日



奏爲恭謝

天恩事竊

臣

於三月十五日准吏部咨道光八年正月

二十三日奉

硃諭此次京察吏部將內外各大員開單具奏朕細加  
酌核直隸總督那彥成自調任以來盡心職守操兵  
緝盜等事不遺餘力甚屬認真著交部議敘欽此

臣

跪讀之下感激悚惶莫能名狀伏念

臣

仰承

恩命調任直隸總督深以

畿輔地方緊要政事殷繁

臣

知識短淺未能控制裕

如勉竭駑駘時虞冰兢幸托

聖主鴻福兩載以來賜雨時宜歲功豐稔是以地方安

帖諸事得以措手卽一切應辦事宜亦俱仰賴

訓誨提撕藉免愆尤至於操兵緝盜木

臣職分當盡之

事廼蒙

聖恩優渥

特予京察議敘撫躬循省悚感交縈惟有益矢愚誠盡

心職守並將現辦回疆南路善後事宜熟籌經久

無獎上慰

宵旰以期仰答

高厚鴻慈於萬一謹

奏奉

硃批知道了

道光九年六月二十三日

奏爲恭報微臣回省日期奏謝

天恩事竊

臣

於六月十三日瞻仰

天顏屢蒙

召對仰荷

寵榮逾分

訓諭周詳自問何修得逢

異數五中感悚莫可名言

陛辭後於十九日出京二十一日抵省臣離任已有年

餘直隸地方仰賴

聖主鴻福連年收成豐稔民情亦均安謐臣自問精力

尙不致衰頽而心思漸形鈍拙

畿輔重地恐精神稍有未周致負

委任寸衷兢惕寤寐難安惟有恪遵

聖訓勉竭駑駘將地方河工營務各事宜實力實心次

第逐加整頓以冀稍酬

高厚鴻慈於萬一謹

奏奉

硃批知道了

道光九年八月二十九日

奏爲敬陳感悚下忱叩謝

天恩事本月二十八日奉

上諭本日朕由深河村西大營至文殊菴行宮一帶間  
有泥淖據御前大臣等奏請將承辦之員交直隸總  
督查叅朕早間策馬經由蹕路馬足易陷之地亦不  
止一處承辦道路之員咎實難辭姑念究係雨後一  
時未能趕墊堅實尙非有心草率所有承辦各員著  
加恩免其叅處嗣後該督務當嚴飭認真修治一律

坦平如再有辦理不善之處定卽從重懲處不貸欽此  
臣聞

命之下不勝感悚伏思

轡輅經臨地方官修治道路分應恪恭將事敬謹小心  
方爲盡心厥職迺

聖駕駐蹕文殊菴

行宮經由道路馬足易蹈之地不止一處雖在雨後  
究係碾研未能堅實承辦之員辦理不善罪無可  
追卽臣與道府各員未能先事督令認真辦理亦  
難辭咎仰蒙

皇上不予嚴懲復

加恩免其叅處

聖恩高厚感愧難名惟有嗣後事事小心慎益加慎以冀少贖前愆爲此恭摺奏謝

天恩謹

奏奉

硃批覽

道光十年四月初二日長孫二品廕生慶霖蒙

恩以文職用授主事分刑部學習

道光十年四月初四日

奏爲恭謝

天恩事竊臣於嘉慶二十五年倉場侍郎任內恭逢

皇上御極覃恩

賞給二品廕生由旗呈請以臣之長孫慶霖承襲因年

未及歲未能赴部引

見茲接家信知慶霖於本年三月二十八日引

見奉

旨著以文職用欽此當卽望

闕叩頭祇謝

天恩伏念臣滿洲臣僕世受



國恩自通籍後由翰林

簡授尙書總督重任

三朝之際遇極隆涓埃未効我

皇上臨御以來

疇覆恩寬得幸免於叢愆復頻叨夫

異數臣于容安容照均已仰蒙

殊恩

擢用二品大員季子容恩現亦供職郎署父子兄弟同

沐

蒙養深恩通計中外滿漢大臣中如臣之祖孫父子一

門榮遇實無其二既慚且懼雖捐糜無可圖報茲

復以臣孫慶霖

賞用文職

聖澤涵濡於三世

恩膏淪浹於一家臣緬祖訓以懷慚勛孫謀而自勵惟

有力矢忠貞益殫愚直以冀子子孫孫勉効犬馬

永承

聖主恩澤縣長於勿替謹

奏奉

硃批知道了

道光十年七月二十三日次子容照蒙

恩授理藩院右侍郎

道光十年七月二十八日

奏爲恭謝

天恩事竊臣於七月二十七日接到家信本年七月二

十三日欽奉

上諭理藩院右侍郎員缺著容照補授欽此當卽望

闕叩頭祇謝

天恩伏念

臣滿洲

臣僕世受

國恩重蒙

知遇勉効馳驅渥荷

聖主

恩慈頻沾

異數方愧職守多踈涓埃未報茲

臣

于容照復蒙

恩補授理藩院右侍郎一家之中世受

隆恩實非夢寐所能期計現今中外滿漢大臣中惟

臣

之父子三人均爲一二品大員

殊榮異寵實罕其儔戴山知重盛滿時虞康頂真酬水

淵益稟且容照年輕識淺雖屢叨

任使而寸長鮮効遽登卿貳益切悚惶旣感且懼惟有

時切提撕並嚴加督責勵其夙夜敬慎雖才智限於賦畀而竭盡犬馬則在自矢勿侈勿肆小心寅畏以期仰報

高厚鴻慈於萬一謹

奏奉

硃批知道了

道光十年十二月十九日

奏本年年終例應

題奏咨辦事件俱已掃數辦竣並無積壓所有陸續

奉

旨特交京控案共十六起已次第審明奏結十三起尙有甫經奉

旨人証尙未到齊者三起未及提審其各部院衙門咨行京控案共五十九起臣隨時訊明咨結者四十一起尙有未結者十八起或甫奉咨交或要証外出或咨查原案未到均分別催查展限俟開印催提審辦不致久延至各屬解勘各案犯俱經隨時審定發回現在查明已未結

奏咨並各屬解審案內共應行留羈省監人犯五十  
三名囹圄並無淹禁拖累情弊本年直隸地方收

成中稔雖有被震被水偏災業蒙

聖恩分別賑濟蠲緩小民無虞失所統計通省錢糧元  
至九分以上本節年旗租亦完銀四十四萬餘兩  
已全數分批解部兌收閭閻含沐

聖澤豐樂安靜氣象熙恬洵堪仰慰

宸懷謹

奏奉

硃批知道了

那文毅公二任直隸總督奏議卷六十二

那文毅公二任直隸總督奏議卷六十三目錄

卷六十三

懇恤民瘼

賑撫磁州地震



那文毅公二任直隸總督奏議卷六十三

男容安恭輯

懇恤民瘼

道光五年十二月初二日

奏爲遵

旨查明本年災歉州縣分別借助接濟恭摺覆奏事竊

照前督臣蔣攸銛承准軍機大臣字寄道光五年

十月初三日奉

上諭本年直隸寧河等六縣被水南皮等九州縣被旱均已隨時加恩分別蠲緩小民諒可不致失所惟念

來春青黃不接之時民力不免拮据著傳諭該督體  
察情形如有應行接濟之處卽查明據實覆奏務於  
封印前奏到候朕於新正降旨加恩再直隸隆平縣  
積勞來春應否接濟之處一併查明於封印前奏到  
欽此當經前督臣蔣攸銛行司欽遵飭查去後茲  
據藩司屠之申查明詳

奏前來臣查直省寶坻等十五州縣本年災歉村莊  
應徵本節年糧租暨借欠倉糧等項業經前督臣

蔣攸銛奏蒙

聖恩准予分別蠲緩小民莫不感戴

皇仁同聲臚頌今復蒙

厚念民艱飭查來春青黃不接之時應否接濟仰見

聖德如天至優極渥欽感奚勝

臣

隨詳加體察今歲秋

禾被水被旱之寶坻等十五州縣內惟寶坻寧河

豐潤等三縣係連年災歉之區本年秋禾又復被

淹收成歉薄民力殊形拮据來春東作方興有地

無力貧民誠恐乏食缺籽似應量加借助以資接

濟查寶坻縣被歉三百四村莊請借口糧穀二千

石豐潤縣被歉二百七十二村莊請借種糧穀一

千石該二縣倉貯無多不敷動用應按二穀一米

每石照例折借銀一兩二錢在於司庫地糧項下  
動撥又寧河縣被災被歉二百五十八村莊請借  
口糧穀二千五百石該縣現有存貯奉米二千五  
百石足敷動支應卽出借本色查明有地無力乏  
食貧民均勻借給俟秋後察看收成分數照例免  
息徵還其餘東安南皮廣平開州元城大名南樂  
清豐東明長垣玉田寧晉等十二州縣秋禾被歉  
情形較輕所有本節年糧租業蒙

恩旨緩至來年麥後徵收民力已屬寬舒又隆平縣積  
澇村莊因地畝久未涸復民間多係捕魚爲生餬

口亦屬有資均可無須再請

恩施如果來年春夏之交市糧昂貴必須借糶接濟再  
行察看情形酌量辦理以廣

皇仁爲此恭摺奏

聞伏乞

睿鑒謹

奏奉

硃批候旨施行

道光六年正月初四日奉

上諭上年直隸鹽河等六縣被水南皮等九州縣被旱

節經降旨分別蠲緩小民餬口有資無虞失所惟念東作方興青黃不接小民蓋藏未裕恐不免拮据加恩著照所請寶坻縣被歉之三百四村莊賞借口糧穀二千石豐潤縣被歉之二百七十二村莊賞借種糧穀一千石照例每石折借銀一兩二錢在於司庫地糧項下動撥寧河被災被歉之二百五十八村莊賞借該縣現存奉米二千五百石該督務須飭屬認真經理俾小民益臻寬裕用副朕履端布闔加惠閭閻至意該部卽遵諭行

道光六年三月十七日

奏爲查明大名府屬上年被歉州縣今春麥苗未能  
長發懇

恩緩開春徵以舒民力事竊查大名府屬之開州元城  
大名南樂清豐東明長垣等七州縣上年秋禾被  
旱歉收應徵本節年新舊錢糧及出借銀穀等項  
業經前督臣蔣攸銛奏奉

諭旨緩至本年麥後啟徵在案茲查該州縣冬初未霑  
雨澤種麥無多新正雖獲祥霽稍爲滋潤而自二  
月至今雨澤又復愆期兼之風沙過大麥苗未能  
長發大田亦難補種被歉之後戶鮮蓋藏民情正

形竭蹶若將應徵本年錢糧照常徵收民力實有  
未逮現據該管府道逐處查明請將該州縣等應  
徵本節年新舊錢糧一律停緩詳由藩司屠之申  
覆查請

奏前來臣細加體察委係實在情形合無仰懇

皇上天恩俯准將大名府屬七州縣應徵本年上半年錢  
糧並原緩至麥後改徵之節年糧銀及出借銀穀  
等項一律緩至本年秋後改徵以舒民力謹

奏

道光六年三月二十日奉



上諭那彥成奏被歉州縣請緩徵一摺直隸大名府屬  
開州等七州縣上年秋禾被旱歉收應徵新舊錢糧  
前經降旨展緩茲據查明該州縣被歉之後戶鮮益  
藏現因雨澤愆期麥苗未能長發若將本年錢糧照  
常徵收民力實有未逮加恩著照所請大名府屬開  
州元城大名南樂清豐東明長垣等七州縣應徵本  
年上忙錢糧並原緩之麥後啟徵之節年糧銀及借  
出銀穀等項俱准其一律緩至本年秋後啟徵以舒  
民力該部知道

道光六年四月二十二日

奏爲大名府屬州縣麥田被旱失收貧民口食維艱懇

恩預撥米石以備接濟事竊查大名府屬之開州東明長垣南樂清豐元城大名等七州縣上年秋禾被旱歉收冬初未霑雨澤種麥本屬無多新正雖獲祥霽而自二月以後直至四月初旬始得雨一二寸又被暴風時作沙土飛颺地畝愈形乾燥現在節過小滿麥收業經失望早秋亦不能布種經臣奏奉

恩旨准其停緩春徵當卽恭刊謄黃飭發曉諭民力已

得稍舒惟是上年業已歉收本年雨澤又愆糧價日漸增昂民心未免惶慮查該府地方西界河南滑濬等縣東界山東曹州府等屬偶遇歉歲每有不安本分之匪徒糾約貧民向糧戶強借強索現經臣劄飭該道府州縣實力查拏嚴懲首犯並剴切出示嚴禁以儆效尤而體察該處情形如芒種前後獲有透雨趕種晚秋尚可無須賑濟倘月內仍形亢旱卽晚秋亦難補種貧民口食維艱大賑例應冬初辦理勢難久待必當設法接濟以慰民心因與藩司厝之申熟加籌酌查得天津北倉存

有道光三年賑剩餘米一萬三千餘石合無仰懇  
聖恩准將前項米石由水次撥運大名府屬各州縣分  
別存貯俟七八月間察看情形如果實在成災卽  
先行煮粥接濟一面覈定成災分數再行奏懇  
天恩照例賑恤並請

勅下山東河南二省接壤之區曾否被旱如須辦理亦  
一體預籌米石同時煮賑俾貧民不至流而爲匪  
庶可綏戢地方謹

奏

道光六年四月二十四日奉

上諭那彥成奏州縣麥田被旱請預撥米石一摺直隸  
大名府屬開州等七州縣上年秋禾歉收業經降旨  
停緩春徵現因被旱麥收歉薄倘得速沛甘霖補種  
晚禾尚可以資接濟但此時不可不早爲儲備著照  
所請准其將道光三年天津北倉賑剩餘米一萬三  
千餘石由水次撥運大名府屬各州縣分別存貯俟  
秋間該督察看情形覈實具奏妥爲辦理該部知道  
道光六年五月初一日

奏爲委員查辦大名府屬均糧案匪並察看該處情  
形酌籌接濟事宜以慰民心而戢地方事竊照大

名府屬之開州東明長垣南樂清豐元城大名等  
七州縣前因入春以來雨澤愆期麥收失望經  
奏奉

恩旨准其停緩春徵嗣因節近芒種仍未得有透雨誠  
恐晚秋難以趕種貧民口食維艱並因該處接壤  
豫東每遇歉年卽往往有不安分之徒糾約貧民  
強行借索擾累閭閻經臣一面劄查一面奏請將  
道光三年天津北倉所存賑剩餘米一萬三千餘  
石撥運大名所屬各州縣存貯俟七八月間察看  
情形如果實在成災卽先煮粥接濟再行照例請

賑亦蒙

俞允欽感難名臣當卽飭司分別移行遵照辦理連日  
節檄飭查該府所屬近日情形去後茲據大名道  
林培厚大名府福敬等稟報開州大名二州縣前  
有乏食貧民向親友借糧不遂爭毆涉訟該州縣  
因係尋常借貸鬪毆於訛明後均經分別枷責完  
結惟本月十五日元城縣所屬之辛莊等處有事  
主林占魁等四家被饑民結夥多人搶去糧食錢  
文等物並有拒傷事主情事現經該縣獲犯十二  
名嚴究首夥按名密拏俟訛取確供卽行解省審

辦等情前來臣查該處地方現雖被旱失收第疊  
經奏奉

恩施業已預爲籌備况每年四五月間青黃不接即使  
春雨優渥亦不能卽食新糧晨下時苗夏令一經  
得雨尚可冀望秋成何致貧民迫感難堪遽爾肆  
行滋事自係地方匪棍藉端倡衆騷擾鄉閭並恐  
或有豫東接壤匪徒勾串游民乘機搶奪必須從  
嚴懲辦庶免相率效尤除現已飛飭該道府等督  
同地方官上緊根究查拏分別首夥解省審辦並  
令剴切出示撫慰貧民毋稍張皇擾累外惟念該



府所屬七州縣上歲歉收而後民力尚未復元現當青黃不接之時自必倍形拮据雖有奏准之撥運米石可備將來動用而現距查辦秋成爲期尚遠且米石輾轉撥運亦復需時刻下夏災已成恐有緩不濟急之慮自應責令該道府等體察情形隨時籌辦方不致別滋事端查大名道林培厚平日辦事勤懇盡心第才非有餘所屬地方遼濶現在應行查辦之事較繁誠恐一人督理難周必須添派幹員幫同經畫庶得周密裕如茲查通永道李德立才識有爲遇事精細署理臬司數月臣時

與接見留心查看爲人亦甚正派可靠現在甫經  
卸署臬篆尚未回任卽堪委赴該處會同該道林  
培厚卽將均糧滋事之案迅速妥爲查辦並卽確  
勘該處情形如有亟須接濟之處現擬就近酌動  
該處倉穀先行碾米煮賑一面趕運天津米石以  
便接續應用俾免遲延應如何辦理之處統俟該  
道等查議稟到再行詳酌具奏請

旨遵行謹

奏

道光六年五月初四日軍機大臣字寄奉

上諭那彥成奏委員查辦大名府屬均糧案匪並察看  
該處情形一摺大名府屬開州等七州縣該處春雨  
愆期前經降旨緩徵嗣因入夏未得透雨復經該督  
奏准將道光三年天津北倉賑剩餘米撥運各該州  
縣存貯以備秋間接濟之用茲據奏稱元城縣辛莊  
等處有饑民結夥疊搶拒傷事主之案現經獲犯十  
二名嚴究首夥按名密拏解省審辦此等滋事案犯  
自係地方匪棍藉端倡衆騷擾閭閻並恐有豫東匪  
徒於接壤地方勾串游民乘機搶奪必應嚴辦示懲  
仍一面剴切曉諭撫慰貧民不可稍有株連致滋擾

累至該處上年歉收民氣未復現當青黃不接之時  
自必倍形拮据且距秋成尚遠北倉米石撥運需時  
刻下夏災已成卽應體察輿情隨時籌辦該督旣經  
飭委通永道李德立前往會同大名道林培厚查辦  
著卽飭該道等確勘該處如有亟須接濟之處迅卽  
稟請具奏毋稍遲延至該府福敬才具本不開展業  
已明降諭旨撤回酌量改補至所稟借放貧民一月  
折色口糧請照成案截漕備用並先行出示曉諭是  
否該地方情形實係刻不可緩亦應覆查明確著速  
責其張皇冒昧不善經理恐將來遇有偏災地方官

相率諱飾轉致別生事端亦不可不防其漸現在該督業已飭委張範東前往接署卽著李德立督同張範東將福敬所稟是否應辦確速查明據實具稟該督亦卽據實陳奏毋得隱飾迴護京師於本月初三日復得透雨該處近日曾否續獲雨澤該督一併查明具奏以慰厯注

道光六年五月十五日

奏元城縣糾搶糧石之案前經臣派委文武員弁馳往查看情形茲據覆稱該道府及營弁等先後捕獲從犯多名究出爲首之人會同李德立督緝審

辦匪徒聞風畏懼地方甚爲安靜惟初三日雲氣  
極厚得雨不及一寸地土乾燥仍不能補種晚秋  
等語復經臣飛飭該道等認真緝究糾搶首犯好  
爲安撫鄉民並竭誠祈禱一獲霽澤卽迅速稟報  
正在繕摺具奏間接據該道府等稟報本月十一  
日大名元城二縣得雨一二寸不等現在雲意尚  
濃如得續沛甘霖晚秋卽可播種民情甚爲安定  
其餘開州等處是否同日得雨現經飛查俟報到  
再行具奏至此外通省各屬均於上月十九二十  
一二及本月初一二三四十二三等日得有透雨

可以仰慰

聖懷謹

奏奉

硃批知道了

道光六年五月十五日

奏查豫省河北三府今歲夏收歉薄被旱情形與接壤之直隸大名府地方相仿並聞亦有均糧強借之案是河北必須實任大員稽查彈壓方不致別滋事端

臣受

恩深重不敢以地係鄰封卽存膜視今計正定鎮總兵

劉廷斌不日即可到來所有新授河北鎮總兵楊明魁業於本月十二日自京旋回臣即於十四日飭令起程馳赴新任接事其所遺署理正定鎮篆務卽令該鎮中軍遊擊傅塽暫行代辦俟劉廷斌一到便可交卽以省另行委署輾轉交代之煩謹奏奉

硃批知道了

道光六年五月十五日

奏爲籌辦大名府屬被旱州縣撫恤事宜恭摺覆奏事竊臣前據大名道府稟報所屬二麥被旱失收



曾有匪徒糾搶糧石之案當將飭委通永道李德立等馳往查辦並令確勘地方情形籌議調劑及揀調大名府知府以資妥辦各緣由繕摺具奏茲於五月初五日接准軍機大臣字寄道光六年五月初四日奉

上諭那彥成奏委員查辦大名府屬均糧案匪並察看該處情形一摺大名府屬開州等七州縣春雨愆期前經降旨緩徵嗣因入夏未得透雨復經該督奏准將道光三年天津北倉賑剩餘米撥運各該州縣存貯以備秋間接濟之用茲據奏稱元城縣辛莊等處

有饑民結夥迭搶拒傷事主之案現經獲犯十二名  
嚴究首夥按名密拏解省審辦此等滋事案犯自係  
地方匪棍藉端倡衆騷害閭閻並恐有豫東匪徒於  
接壤地方勾串游民乘機搶奪必應嚴辦示懲仍一  
面剴切曉諭撫慰貧民不可稍有株連致滋擾累至  
該處上年歉收民氣未復現當青黃不接之時自必  
倍形拮据且距秋成尚遠北倉米石撥運需時刻下  
夏災已成卽應體察輿情隨時籌辦該督旣經飭發  
通永道李德立前往會同大名道林培厚查辦著卽  
飭該道等確勘該處如有亟須接濟之處迅卽稟請

具奏毋稍遲延至該府福敬才具本不開展業已明  
降諭旨撤回酌量改補至所稟借放貧民一月折色  
口糧請照成案截漕備用並先行出示曉諭是否該  
地方情形實係刻不可緩亦應覆查明確若遽責其  
張皇冒昧不善經理恐將來遇有偏災地方官相率  
譸飾轉致別生事端亦不可不防其漸現在該督業  
已飭委張範東前往接署卽著李德立督同張範東  
將福敬所稟是否應辦確速查明據實具稟該督亦  
卽據實陳奏毋得隱飾迴護京師於本月初三日復  
得透雨該處近日曾否續獲雨澤該督一併查明具

奏以慰厯注欽此

臣

跪讀之下仰見我

皇上軫念民艱無微不至之至意伏查大名府屬之開  
州等七州縣上年秋禾被旱歉收今春雨澤愆期  
暴風時作地畝乾旱二麥失收早秋亦難補種前  
經奏奉

恩旨停緩春徵並恐貧民口食維艱動用天津北倉道  
光三年賑剩餘米一萬三千餘石預撥各州縣分  
別存貯俟七八月間察看情形先行煮賑接濟茲  
復據大名道府及地方官並臣派往查看之各委  
員先後稟報近日情形東明長垣二縣已三次各

得雨一二三寸二麥約收六分秋禾亦將次種齊  
民情安貼毋庸另議調劑開州地方南鄉與東明  
接壤被旱尚輕其北鄉與南樂清豐二縣連界情  
形較重而元城大名二縣被旱尤甚又廣平府屬  
之廣平縣與元城縣毗連亦係上年被歉之區今  
春被旱情形與元城無異刻下時逾芒種尚未得  
有透雨夏災已成不特無地貧民謀生乏術卽有  
地之戶於五月內得雨趕種晚禾亦皆缺乏籽種  
亟須分別借助勢不能待至秋間合無仰懇

天恩准將開州元城大名南樂清豐廣平等六州縣有

地無力之戶按照嘉慶十八年大名府屬春借口糧成案先行賞借籽種俾得雨後趕種晚禾免致再悞秋收該州縣倉貯無多應請全用折色按每穀一石給銀六錢確查實在有地無力之戶在於地糧項下酌撥銀兩於五月內散放仍俟來年麥後察看收成徵還歸款查十八年出借口糧動用銀六萬餘兩此次按地借給籽種約計似應量爲加增卽責成李德立會同大名道林培厚嚴飭地方官認真查報不准稍有浮濫至無地貧民固不須借給籽種卽請賞給一月折色口糧而定例大

口日給米五合按每石例價一兩二錢覈計一月  
口糧止應折給銀一錢八分小口減半爲數無幾  
貧民領銀到手不過數日卽行用去何能支持待  
至秋禾成熟之時况查報戶口最易朦混有力者  
轉得冒濫實貧者反多遺漏甚至書吏鄉保串通  
刁詐之徒捏造浮開稽查實亦難周是多費  
帑金轉致有力之戶得以影混邀

恩而實在窮黎仍不能遍叨實濟

臣

深知其弊因反復

思維又與司道各官公同商酌並覈計開州等六  
州縣如果一體折賑每月卽約需銀八九萬兩若

再加以冬月大賑以及加展等項統計不下數十萬金在

聖主惠愛元元固不惜節經費而求其實在有益貧民總莫若設廠煮賑既少弊端復多節省俾窮民逐日就食可免四散流離較之散放口糧不特實惠普沾而日有餬口卽不至附和匪徒糾搶之風亦可漸息且派委委員監辦卽使胥役弊混亦不過在升斗之間不如散賑之可以任意濫行盈千累百況鄉民苟可自給耻於赴廠領粥所養實係無力待斃之人一經得雨有工可傭卽各自散去彼



時查看情形酌量停止亦不致糜費錢糧活人多而費

帑少實救荒之良法惟事甚繁襍稽查彈壓較爲辛苦一切用費例銷不敷更須賠累地方官狃於常例一經小有偏災不思實政但求循例辦賑大半不愿煮粥每以饑民易聚難散空言聳動未經親歷之上司以致救荒良法不肯認真舉行轉據捏報不公之戶口一散口糧了事殊負

皇上天心慈愛發帑賑饑之至意臣與藩臬兩司悉心籌畫現在夏災與秋歉有間公同酌定有地無力

之戶借給籽種一經得雨即可補種晚秋其無地無力貧民先儘各屬倉糧分設粥廠俾資餬口總期生活實在窮民卽飭李德立派令委員幫同該地方官分投設廠酌量地方大小或設兩廠或三四廠分別前往仍責成李德立會同該道府等勿辭辛苦認真督辦臣仍時刻嚴查密訪不許草率浮冒以期仰答

鴻施至臣前奏准動撥北倉賑剩餘米查大名距天津水路遙遠現當接剥漕糧船隻較少挽運需時刻下自應先儘各屬倉糧分廠煮賑俾資迅速第倉

穀爲數無多卽北倉賑剩餘米亦僅止一萬三千石不敷應用此外北倉雖尚有豫省粟米五萬石現經倉場侍郎查有蒸變米色業已奏明查辦至於東省漕糧其間內春兌糧石又祇有粟米三萬餘石僅足供應

陵糶礙難通融截撥如再請將通倉米石撥往大名不特轉運稽遲且更多糜運費臣籌思至再惟有盤壩南漕現屆陸續北上

天庾正供原不敢輕議截留第此時大名等處待哺嗷嗷一時又無別項米石可籌合無仰懇

聖恩准將盤壩南糧卽於臨清地方就近截留米五萬石趕緊運赴大名以濟急需庶辦理可期妥速如蒙

俞允所有前經奏撥之北倉剩米卽可停止毋庸再行剝運以歸節省謹

奏

道光六年五月十八日奉

上諭那彥成奏籌辦大名府屬被旱州縣撫恤事宜一摺直隸大名府屬之開州等州縣上年秋禾被旱歉收今春雨澤愆期二麥失收早秋亦難補種前據該

督具奏降旨停緩春徵並恐夏災已成復飭該督體  
察輿情如有亟須接濟之處迅速籌議奏明辦理茲  
據查明被旱情形無地貧民謀生乏術有地之戶卽  
得可趕種晚禾亦皆缺乏籽種亟須分別撫卹著加  
恩將開州元城大名南樂清豐廣平等六州縣有地  
無力之戶先行賞借籽種俾得趕種晚禾該州縣倉  
貯無多准其全用折色按每穀一石給銀六錢卽在  
地糧項下酌撥銀兩於五月內權查散放仍俟來年  
麥收後察看收成徵還歸款至無地乏食貧民賞給  
一月折色口糧固不若設廠煮賑之普沾實惠惟此

時天氣炎熱恐煮粥易致餲變著該地方官分設廠座卽按每日到廠領粥之大小名口覈計散給粥米俾得日資餽口該督卽飭李德立會督該管道府及委員等認真查辦仍時刻嚴查密訪勿許草率浮冒以期實惠及民其應用米石各屬倉糧既不敷用著照所請將盤壩南糧無論何幫挽運北來卽於臨清地方就近截留稔稔米五萬石趕運大名以應急需至該督前經奏撥之北倉剩米著卽停止毋庸再行剝運該部知道

道光六年五月十五日

奏爲毗連大名府屬之廣平等五縣被旱歉收懇

恩將應徵本節年錢糧等項一體停緩以舒民力事竊

查本年大名府屬之開州等七州縣前因雨澤愆

期麥收失望經臣奏奉

恩旨准將應徵本年上忙錢糧暨節年民欠銀兩緩至

秋後敢徵在案茲查毗連大名地方廣平府屬之

廣平縣本係上年秋禾被旱歉收之區又順德府

屬之平鄉廣宗鉅鹿河間府屬之故城等縣上年

秋收均欠豐稔該五縣境內自入春以來雖間得

雨澤俱未透足兼之風沙過大麥苗未能長發收

成歉薄民情頗形拮据若將應徵本節年錢糧照常徵收民力實有未逮茲據該管府道逐處查明由司詳請

奏懇停緩前來臣覆加查察委係實在情形除廣平縣被旱情形較重另行奏請調劑外所有廣平平鄉廣宗鉅鹿故城等五縣應徵本節年新舊錢糧並出借銀穀等項合無仰懇

聖恩俯准一體緩至本年秋後徵以廣

皇仁而紓民力謹

奏



道光六年五月十八日奉

上諭那彥成奏毗連大名府屬之廣平等五縣被旱歉收懇將本節年應徵錢糧一體停緩一摺直隸大名府屬各州縣前因雨澤愆期麥收失望曾經降旨將本年上忙錢糧暨節年民欠銀兩緩至秋後啟徵茲續據該督查明毗連大名地方廣平府屬之廣平縣本係上年秋禾歉收之區又順德府屬之平鄉廣宗鉅鹿河間府屬之故城等縣上年秋後均欠豐稔該五縣境內自入春以來雖間得雨澤未能透足麥收歉薄民情拮据若將應徵本節年錢糧照常徵收實

屬力有未逮加恩著照所請除廣平縣被旱情形較重另行調劑外所有廣平平鄉廣宗鉅鹿故城等五縣應徵本節年新舊錢糧並出借銀穀等項准其一體緩至本年秋後啟徵以紓民力該部知道

道光六年五月二十四日

奏爲請將應給貧民粥米懇

恩俯照前奏仍以煮賑散放俾廣實惠而免弊混事竊

查臣昨將籌辦大名府屬被旱州縣應行撫卹事

宜詳晰具

奏欽奉

諭旨准將開州元城大名南樂清豐廣平等六州縣有  
地無力之戶先行賞借籽種全用折色散放至無地  
乏食貧民固不若設廠煮賑之普沾實惠惟此時天  
氣炎熱恐煮粥易致餒變著該地方官分設廠座卽  
按每日到廠領粥之大小名口覈計散給粥米俾得  
自資餬口其應用米石各屬倉糧旣不敷用著照所  
請將盤壩南糧無論何幫挽運北來卽於臨清地方  
就近截留梗稷米五萬石趕運大名以應急需欽此  
仰見我

皇上軫卹窮黎有加無已跪聆之下感佩奚勝查該府

所屬各州縣近據先後稟報均於十一十三十四等日連得雨澤頗爲優渥民心安定現皆趕種晚禾臣前已飭司先後撥解銀八萬兩並於候補同知知縣內揀派勤實妥員馳往該處幫同查辦現奉

恩旨准行除再飛飭該道等督同印委各員迅將有地無力農民趕緊查明按其地畝多寡分別應借籽種銀數卽於五月內散放務使無遺無濫以期無悞秋收至於無地無力貧民前因散給口糧諸多弊混是以奏請辦理煮賑茲蒙

訓示以此時天氣炎熱恐煮賑易致餲變飭卽散放粥  
米

聖慮周詳自應欽遵辦理惟念地方煮賑原爲實在乏  
食貧民而設以故一經設廠除應用糧石而外其  
餘一切之水火柴薪無不官爲經理淮原其意蓋  
因當此之時窮黎別無生計但使自行就食卽可  
立見生全旣不能捏冒侵浮亦可免偏枯遺漏如  
此時易米散放固與前項煮賑同爲格外

恩施第查每日赴廠貧民多寡初無定數且多散處一  
時實難周到若必按名造冊則爲時倉猝嗷嗷之

衆待哺孔亟緩無以濟如其酌定放期則爲日旣久委員耳目難周吏役乘隙相矇又易啟侵混之弊況此等食賑貧民藉以聊生毋論散放或有不周卽使人人領米到手亦未能立時果腹勢必奸民從旁逐利勒買賤售貧民所得無多仍不獲優沾實濟臣籌思至再似不若仍行煮賑辦理較可信心前據該道李德立等議稟章程臣亦因時當夏令業經飭令於各該州縣城鄉適中之地擇其曠敞之區多設廠座分派文員督辦武員彈壓務使就食貧民四散分投則需粥不致過多散放亦

片時可了並諄飭該道府等往來查察務於每日  
夜間就炊黎明卽放不得隔宿停留當可無虞餓  
變現在各屬業已陸續開賑且均經連次得雨貧  
民傭趁田工漸可自謀生計一兩月後如果人數  
無多卽當酌量停止爲期匪遠似不必另行改議  
轉費周章

臣

因事關民瘼固不敢偏執已見而夙

受

厚恩亦不敢拘泥

諭旨用謹據實縷陳可否請

旨俯照  
臣前奏所議准將大名等各州縣無地無力貧

民仍以煮賑散放俾歸簡便而昭實惠如蒙

俞允所有應用米石業據該道李德立等查明該屬各州縣常平義社等倉貯穀均有二三千石不等約計可敷月餘之用如有不敷又查有鄰近之成安縣倉貯穀石較多現因磁州山水驟發該縣地處下游溢陽河漲浸口據報城垣倉署民廬均有被淹之處現經該道林培厚馳往查勘另行辦理如該縣倉穀已多受潮不堪久貯應卽趕緊曬晾酌撥大名各州縣協濟應用倘兩月內可以停撤粥廠所有奏截南糧或無須動用或所用不多並請



將此項漕米暫留該處俟秋後察看情形如尚須接濟再當酌覈奏辦更可有備無虞謹

奏奉

硃批俱如所議行妥爲料理

謹案道光六年六月十九日廷寄內奉

上諭大名府屬被旱前經該督籌辦撫卹現在得雨霑足是否一律普種大秋地方情形若何並著那彥成查明據實奏聞以慰塵注

道光六年六月二十二日

奏爲大名府屬各州縣現辦賑借事宜並近日田禾

得雨各情形恭摺奏

聞事竊照大名元城開州等六州縣應辦煮賑借籽以

及截撥漕糧各事宜前經臣奏蒙

恩允後卽據委員通永道李德立並大名道林培厚等

議稟章程經臣逐加覈定按廠分派文武員弁分

別照料彈壓飭令妥爲辦理隨據各該州縣陸續

具報各城鄉分設廠座會同委員先後開放兼旬

以來每處每日赴廠領粥之男女大小名口自三

四千人至七八千人不等俱係按名分籌先女後

男挨次散放極爲妥順其粥則係夜間煮就次日

黎明自寅卯放至辰巳時分業已全行完竣計  
煮就散放均在清早各委員均實力監煮監放故  
皆稠厚新鮮並無攪襍餽變情事並因現當盛暑  
就賑人多各於廠內捐配解暑藥料多設水缸以  
備領粥貧民不時之需而小民等無不感頌

皇仁歡騰四野

臣

復節飭該管道府不時周歷親查如

實有人數過多之處固不妨酌添一二廠以免擁  
擠第不可過於增多轉難照料倘遇附近鄰境間  
有來廠就食之人既係貧苦窮黎亦不必過分畛  
域致令向隅惟在加意稽查但有滋事者毋論何

處之人立即拏究嚴辦務使莠民知法貧民知恩  
現在各廠辦理俱極認真民情亦甚爲安貼至於  
截撥南糧前准漕臣咨會已奏明在於安慶後幫  
處州前幫內撥給粳稔米五萬石臣早經委令前  
任大名府知府福敬帶同委員馳赴臨清守候領  
兌並飭大名等各州縣各按應領米數僱備船隻  
派令丁役人等前往隨兌隨運免致遲悞現據該  
府稟到前項漕船現已出閘停泊衛河水次因各  
州縣船隻短少尚未僱齊送到復經該府就近代  
僱剥船會同江南押運糧道卽日先行開兌以期

迅速通回不致有悞接濟之用至各州縣有地無力之戶應借籽種折色銀兩業經該地方官遵照章程查明有地三十畝以下之戶按其應借數目將領到銀兩先照市價易錢分別貫串以免零星折耗再將應借之戶各錢數按村出榜曉諭每戶發給照票一張令其執持赴領以杜鄉保人等捏冒弊混現在該州縣均已一律查竣各於城鄉隔遠粥廠之處分設廠所先後開放事竣造冊報銷除諄飭印委各員實力經理覈實散給並令該道府隨時赴廠抽查總期無遺無濫臣仍不時嚴查

密訪倘有辦理不力之處立即叅辦俾貧民得以  
優沾實濟毋負

恩施再查大名等各州縣自前次奏明五月十三四等

日連獲雨澤趕種晚秋以後嗣又兼旬未雨土脈

漸形乾燥經臣不時專劄飭查茲據陸續報到近

於本月初五六七至十一等日迭次得雨二三四

寸及深透不等現在早禾已暢茂青葱晚禾亦發

榮滋長從此暘雨順時秋收可期豐稔其餘通省

所屬各州縣亦據先後具報均於本月初六七起

至十三四等日普獲透雨秋禾尤爲芄芄地方亦

一律靜謐實堪仰慰

聖懷謹

奏奉

硃批覽奏俱悉稍慰厯念

道光六年六月二十七日

奏大名府屬各州縣辦理賑借事宜以及秋禾得雨  
長發情形昨已詳晰奏陳

聖鑒茲據大名道林培厚稟據大名等六州縣稟稱六  
月以來均已先後得有透雨早晚秋禾暢茂條達  
其無地乏食貧民乘此備趁謀生現在赴廠領粥

者婦女幼孩居多男口日就減少其中又半係孤  
貧本有應給口糧之輩各處所設粥廠擬請月初  
停止惟今夏得雨甚遲播種較晚須俟八月間始  
能收穫農下各屬糧價增昂並請將奉截南漕按  
照存七糶三減價平糶以濟民食等情稟請覈辦  
前來臣查該屬各州縣所設粥廠原爲乏食窮黎  
一時濟急之需前曾

奏明一俟得有透雨貧民可以自謀生計卽當酌量  
停止當初被旱情形原本較重且以界連豫東游  
民無業實在堪虞乃自六月以後各屬疊沛甘膏



早禾已將次吐穗晚禾亦倍加長發實皆仰叨

聖主福庇

宵旰精勤是以

殊

折威之至

昊蒼垂佑俾得轉歉爲豐誠乃意外之幸現在旣據各州

縣查明就賑貧民均因秋收有望備趁四散所有  
各處粥廠應卽酌量情形先後停撤以節糜費至  
於截撥南漕昨據委員前任大名府知府福敬稟  
報業於六月十六日開斛飭令各州縣領米丁胥  
隨兌隨運並經臣派委文武員弁數人迎往前途  
催趲查察約計月杪月初均可運到彼時粥廠旣

經停止別無要需而各屬收穫尚早糧價難以平減貧民自食其力究不免有竭蹶之虞可否仰懇聖恩准將此項漕糧令該州縣等各按原撥米數以七分貯倉三分減價平糶俾濟民食而平市價如蒙俞允卽確查各屬市集糧價酌定應減數目趕緊覈實辦理再查現在辦賑之六州縣中惟南樂清豐大名元城四處雖經疊次得雨尚有未獲沾足之處早晚秋禾情形較次且本係積歉之區此後即使雨水勻調恐秋收不過中稔將來如果尚須酌量緩徵之處容俟隨時察看情形另行

奏辦謹

奏

道光六年六月三十日奉

上諭那彥成奏請將大名各州縣酌撤粥廠辦理平糶等語直隸大名府屬之開州等州縣前因二麥歉收降旨分別賑緩並准設廠煮賑及截留南糧五萬石俾資接濟茲據奏該處自六月以後疊沛甘雨轉歉爲豐貧民傭趁有資赴廠領粥者日就減少所有各處廠座著准其酌量情形先後停撤惟現距秋成尚早恐糧價一時未能平減小民仍不免拮据著加恩

將前項漕糧飭令該州縣等各按原撥米數以七分貯倉三分減價平糶該督卽飭查各屬市集糧價酌定應減數目趕緊覈辦務期實惠及民毋許浮冒影射其南樂清豐大名元城四縣本係積歉之區如秋收未能豐稔該督仍隨時察看奏明辦理該部知道  
道光六年九月二十五日

奏爲大名等府州屬被歉州縣懇

恩緩徵錢糧銀穀以舒民力事竊照本年直隸開州等

十二州縣前因二麥被旱歉收經

臣

先後奏奉

諭旨將各州縣應徵本年上忙並節年錢糧及出借銀

穀等項一體緩至本年秋後啟徵在案茲據大名府屬開州大名元城南樂清豐順德府屬平鄉鉅鹿廣平府屬廣平雞澤又冀州並該州所屬南宮新河棗強衡水等十四州縣先後稟報以該州縣地方本年秋收雖獲七分有餘收成尚屬中稔第或因二麥被旱歉收或當連年積欠之後民間元氣未能驟復應徵本節年新舊錢糧力難同時並完請將應徵本年新賦趕緊徵收其節年錢糧及出借銀穀等項緩至來年麥後啟徵又據順德府屬廣宗縣稟稱該縣本年秋禾被旱歉收村莊已

照例詳請新舊並緩其餘成熟村莊均係二麥被旱之區亦請緩舊徵新等情飭據該管道府州委查明確由司詳請具

奏前來臣逐加體察委係實在情形合無仰懇

聖恩俯准將開州大名元城南樂清豐平鄉鉅鹿廣平雞澤冀州南宮棗強新河衡水廣宗等十五州縣應徵道光五年以前節年民欠錢糧並出借銀穀等項一律緩至來年麥後徵俾舒民力其本年新糧仍應照常徵收以供支放謹

奏

道光六年九月二十八日奉

上諭那彥成奏大名等府州屬被歉州縣請緩徵一摺  
直隸省開州等十二州縣前因本年二麥被旱歉收  
降旨將本年上忙並節年錢糧及出借銀穀等項緩  
徵茲據查明大名等府州屬各州縣或因二麥被旱  
或當連年積欠之後民間元氣未復所有應徵本節  
年新舊錢糧力難同時並完自應量予展緩著照所  
請將開州大名元城南樂清豐平鄉鉅鹿廣平雞澤  
冀州南宮棗強新河衡水廣宗等十五州縣應徵道  
光五年以前節年民欠錢糧並出借銀穀等項准其

卷之二 山東縣志卷之二  
三  
一律緩至來年麥後啟徵以舒民力其本年新糧仍著照常徵收該部知道

道光六年十二月十八日

奏爲遵

旨查明覆奏事竊

臣

承准軍機大臣字寄道光六年十

月初六日奉

上諭直隸開州等十二州縣被旱寧河等十三州縣被水雞澤等七州縣被旱被雹均已隨時降旨加恩分別蠲緩小民諒可不致失所惟念來春青黃不接之時民力不免拮据著傳諭該督體察情形如有應需



接濟之處卽查明據實覆奏務於封印前奏到候朕  
於新正降旨加恩再直隸文安縣被淹亦著迅速辦  
理並將來春應否接濟之處一併查明於封印前奏  
到欽此當經行司飭查去後茲據藩司屠之中查明  
具詳前來臣查直隸寧河大城永清東安寶坻武  
清雄縣新城滄州廣宗龍門豐潤玉田隆平寧晉  
等十五州縣本年被水被雹歉收村莊應徵本節  
年糧租暨出借倉穀等項業經臣奏奉

諭旨緩至道光七年麥後啟徵又開州大名元城南樂  
清豐平鄉鉅鹿廣平雞澤冀州南宮新河棗強衡

水等十四州縣本年秋收雖屬中稔第或因二麥被旱歉收或當連年積歉之後民間元氣未能驟復又廣宗縣秋禾成熟村莊均係二麥被旱之區亦經臣奏

聖恩將應徵道光五年以前節年民欠錢糧及出借倉穀等項一律緩至來年麥後啟徵其本年新糧仍照常徵收小民莫不感戴

皇仁同聲臚頌茲復蒙

垂詢來春青黃不接之時應否接濟仰見

聖主厪念民艱有加無已曷勝欽感臣詳加體察本年

秋禾被水被旱被雹之寧河等十五州縣內寧河  
寶坻豐潤玉田等四縣係積歉之區本年秋禾又  
復被水歉收一百餘村至四百餘村之多民力未  
免拮据又二麥被旱之開州等十五州縣內開州  
元城大名南樂清豐廣平等六州縣本年秋禾雖  
獲七分有餘尚屬中稔但該州縣均係二麥被旱  
成災之處歲僅一收戶鮮蓋藏來春東作方興之  
時有地無力貧民誠恐缺乏口糧似應量加借助  
以資接濟合無仰懇

聖恩將寧河縣被歉二百五十八村莊出借口糧穀一

千石寶坻縣被歉四百三村莊出借口糧穀一千  
六百石豐潤縣被歉二百一十二村莊出借口糧  
穀一千石玉田縣被歉一百二十六村莊出借口  
糧穀八百石開州出借口糧穀三千石元城縣出  
借口糧穀二千石大名縣出借口糧穀三千石南  
樂縣出借口糧穀一千石清豐縣出借口糧穀二  
千石廣平縣出借口糧穀一千石均動用該州縣  
倉貯米穀如有不敷按二穀一米每石照例折借  
銀一兩二錢在於司庫地糧項下動撥查明有地  
無力貧民均勻借給俟秋後查看收成分數照例

免息徵還其大城永清東安武清雄縣新城滄州  
廣宗龍門隆平寧晉平鄉鉅鹿雞澤冀州南宮新  
河棗強衡水等十九州縣並廣宗縣之秋收成熟  
村莊雖或因秋禾被歉或因二麥歉收但情形較  
輕應徵各年糧租及借出倉穀等項或已新舊並  
緩或已緩舊徵新民力不致拮据均可無須再請  
恩施如果來年春夏之交市糧昂貴必需借糶接濟再  
行察看情形隨時酌量辦理至文安縣被淹地畝  
係在大窪減賦村莊之內前於具奏寧河等州縣  
緩徵案內聲明專案辦理在案謹

奏奉

硃批候旨妥辦

道光七年正月初四日奉

上諭上年直隸寧河等十五州縣被水被旱被雹節經降旨分別蠲緩小民餬口有資無虞失所惟念東作方興青黃不接小民蓋藏未裕恐不免拮据加恩著照所請將寧河縣被歉二百五十八村莊賞借口糧穀一千石寶坻縣被歉四百三村莊賞借口糧穀一千六百石豐潤縣被歉二百一十二村莊賞借口糧穀一千石玉田縣被歉一百二十六村莊賞借口糧

穀八百石開州賞借口糧穀三千石元城縣賞借口糧穀二千石大名縣賞借口糧穀三千石南樂縣賞借口糧穀一千石清豐縣賞借口糧穀二千石廣平縣賞借口糧穀一千石均動用該州縣倉貯米穀如有不敷按二穀一米每石照例折借銀一兩二錢在於司庫地糧項下動撥該督務須飭屬認真經理俾小民益臻寬裕用副朕履端布閭加惠閭閻至意該部卽遵諭行

道光七年三月二十二日

奏爲開州等州縣上年被歉貧民現當青黃不接奏

懇

天恩俯准出借口糧以資接濟事竊查大名府屬之開州元城大名南樂清豐廣平府屬之廣平等六州縣上年二麥被旱失收節經臣奏蒙

聖恩辦理煮賑出借並將應徵新舊錢糧分別展緩本年新正復奉

諭旨借給口糧小民疊沐

恩施莫不歡欣臘頌惟查該州縣地方本係節年積歉之區上年二麥被旱闕境失收秋禾雖獲七分有餘歲僅一熟戶鮮蓄藏日下雖得雨三次不爲



乾燥惟本年仲夏遇閏距秋收之期尚遙現當青黃不接之時有地無力貧民咸需借助接濟茲據該州縣查明稟由該管道府轉詳藩司署之申覈明詳請出借前來臣逐加體察委係實在情形合無仰懇

皇上天恩俯准開州出借口糧穀三千石元城縣出借口糧穀二千石大名縣出借口糧穀三千石南樂縣出借口糧穀一千石清豐縣出借口糧穀二千石廣平縣出借口糧穀一千石以資接濟該州縣倉穀或於上年煮賑案內動用或存貯無多不敷

出借若請給折色銀兩現在需用經費浩繁未便  
多糜

帑項查該州縣均有存貯上年領運南漕足敷動用  
所有此次請借口糧同新正欽奉

恩旨借給口糧穀石均請動用存倉漕糧按二穀一米  
查明實在有地無力貧民均勻借給俟秋後查看  
收成分數按一米二穀照例免息徵還仍飭嚴禁  
胥役人等串捏滋弊務期民霑實惠謹

奏

道光七年三月二十五日奉

上諭那彥成奏開州等州縣上年被歉貧民請借給口糧一摺直隸大名府屬之開州元城大名南樂清豐廣平府屬之廣平等六州縣本係積欠之區上年二麥被旱節經降旨煮賑緩徵並借給口糧惟現屆青黃不接之時有地無力貧民尚需接濟加恩著照所請開州出借口糧穀三千石元城縣出借口糧穀二千石大名縣出借口糧穀三千石南樂縣出借口糧穀一千石清豐縣出借口糧穀二千石廣平縣出借口糧穀一千石該州縣倉穀因上年煮賑案內動用不敷出借現有存貯上年領運南漕足敷動用著將

此次出借口糧並新正借給口糧穀石均動用存倉  
漕糧按二穀一米查明實在有地無力貧民均勻借  
給俟秋後查看收成分數按一米二穀照例免息徵  
還仍飭嚴禁胥役人等串捏侵冒等弊務使小民均  
霑實惠及時耕作該部知道

道光七年五月十四日

奏爲開州等州縣應徵節年地糧並出借銀穀爲數  
較多奏懇

聖恩分年帶徵以紓民力事竊據大名府屬之開州元  
城大名南樂清豐順德府屬之平鄉廣宗鉅鹿廣

平雞澤等十州縣先後稟報該州縣地方本年春雨普霑麥收可期豐稔例應乘時開徵惟連年積歉莊村應徵錢糧節蒙奏懇

聖恩准其緩帶現屆二麥登場應將舊欠錢糧一併砍徵卽出借銀穀亦應同時並納以一年之豐收完納數年之積欠民力實有未逮請將原緩至本年麥後啟徵之道光五年地糧同六年尾欠七年新賦儘數徵收其道光四年以前節年舊欠錢糧援照道光四年成案展至本年秋後按最近年分帶徵一年由近及遠挨次分年徵收並將道光六年

以前出借銀穀等項一律緩至本年秋後再行徵還等情由該管府道查明咨司覆覈詳請具奏前來臣查該州縣地方本年雨水霑足麥收豐稔民問完納錢糧無不踴躍輸將惟節年歉收村莊糧賦歷經奏蒙

聖恩緩徵有二三年至四五年者若因一季豐收照例同時並徵民力難支自係實在情形必須量爲展緩合無仰懇

皇上天恩俯准將開州等十州縣應徵道光四年以前節年民欠錢糧援照道光四年成案展至本年秋

後起按最近年分每年帶徵一年由近及遠挨次分年徵完並將道光六年以前出借銀穀等項一律緩至本年秋後再行啟徵俾紓民力其原緩之道光五年地糧卽於麥後同六年尾欠本年新賦一併儘數徵收以供支放謹

奏

道光七年五月十七日奉

上諭那彥成奏開州等州縣應徵節年地糧並出借銀穀請分年帶徵一摺直隸開州等十州縣連年積歉村莊若將新舊錢糧及出借銀穀同時並徵民力不

免拊据著加恩將開州元城大名南樂清豐平鄉廣  
宗鉅鹿廣平雞澤等十州縣應徵道光四年以前節  
年民欠錢糧援照成案展至本年秋後起按最近年  
分每年帶徵一年由近及遠挨次分年徵完並將道  
光六年以前出借銀穀等項一律緩至本年秋後再  
行徵徵以紓民力其原緩之道光五年地糧卽於麥  
後同六年尾欠本年新賦一併儘數徵收以供支放  
該部知道

道光七年十月初七日

奏爲大名等府州屬積欠州縣奏懇



聖恩緩徵錢糧銀穀以舒民力事竊查大名等州縣或因上年二麥被旱歉收或因連年積欠較多應徵新舊錢糧銀穀小民力難同時並完前經臣奏奉諭旨准將冀州南宮新河張強衡水等五州縣應徵道光五年以前節年民欠錢糧緩至本年麥後啟徵大名元城南樂清豐廣平等五縣應徵道光四年以前節年舊欠錢糧展緩至本年秋後起按最近年分每年帶徵一年由近而遠挨次分年徵完並將道光六年以前出借銀穀等項一律緩至本年秋後啟徵在案茲據順德府屬之唐山冀州並所

屬之南宮新河棗強衡水等州縣先後稟報以該縣地方本年秋收雖獲中稔第均係積歉之區本年麥收未能豐稔歲僅一熟民氣尚未復元應徵新舊錢糧力難同時並納請將本年新賦趕緊徵收其道光六年以前節年舊欠錢糧緩至來年麥後啟徵又據大名府屬之大名元城南樂清豐廣平府屬之廣平等縣稟稱各境早晚秋禾均因伏內缺雨收成僅獲七分及七分餘秋後既應徵收本年新賦及帶徵舊欠錢糧又須完納歷年出借銀穀並今春出借口糧米石數計欠數較多而歲

收僅獲中稔若責令新舊同時並完民力實有未  
逮請將應徵六年出借籽種及今春出借口糧緩  
至來年麥後再行啟徵等情由該管府州委查明  
確呈由各道覈轉咨司覆張詳請具

奏前來臣逐加體察委係實在情形應據實奏請展  
緩以示體恤合無仰懇

天恩

俯准將唐山冀州南宮新河棗強衡水等六州縣應徵  
道光六年以前舊欠錢糧並大名元城南樂清豐  
廣平等五縣應徵六年出借籽種及今春出借口

糧等項一律緩至來年麥後啟徵以紓民力其唐山等六州縣應徵本年新賦大名等五縣應行帶徵最近年分未完地糧及五年以前出借倉穀仍遵照奏案依限啟徵以供支放謹

奏

道光七年十月初十日奉

上諭那彥成奏大名等府州屬積欠懇請緩徵一摺直隸唐山等州縣均係積歉之區本年麥收未豐大名等縣夏間缺雨秋收稍歉若將新舊錢糧同時並徵民力不免拮据著加恩將唐山冀州南宮新河棗強

衡水等六州縣應徵道光六年以前舊欠錢糧並大名元城南樂清豐廣平等五縣應徵六年出借籽種及今春出借口糧等項一律緩至來年麥後啟徵以紓民力其唐山等六州縣應徵本年新賦六名等五縣應行帶徵最近年分未完地糧及五年以前出借倉穀仍著依限啟徵該部知道

道光六年六月初二日

奏爲勘明成安縣被水情形恭摺奏

聞事竊臣昨據成安縣知縣趙庭椿稟報磁州山水驟

發溢陽河漲漫口該縣城垣倉署民廬均有被淹

之處並據大名道林培厚馳往查勘經臣於覆議  
開州等州縣煮賑摺內奏

聞並聲明該縣倉貯穀石較多如受潮不堪久貯應卽  
趕緊曬晾酌撥大名各州縣協濟應用在案茲據  
該道稟稱馳抵成安縣督同廣平府蕭光浩逐一  
查勘據該縣趙庭椿面稟先因水勢驟至從西南  
兩路而來彼時一片平漫差查係滏陽河水下注  
倉猝之間未及復查及發稟後復行確勘始查得  
該縣西南鄉之南魚口等村本係舊漳河故道於  
十三日午間猝被上游漫水兼挾驟雨從西南一

帶高原建瓴而下致被淹灌當委大名縣丞單文  
誥肥鄉縣查揆往勘各該村及附近諸村水已消  
涸並未衝塌房屋淹損田禾復經該道等親勘城  
廂被水情形所有南西南門經該縣於水到時卽  
行堵塞詎水勢繞城而東衝破護城土堤直突小  
東門因該處城垣年久剝蝕磚塊咸鬆倉猝之際  
人力難施致被衝塌一段計二丈八尺壕外護城  
土堤衝塌二丈五尺現在城內積水亦已漸退惟  
常平義社各倉在縣署西北隅地勢尤爲低窪計  
常平倉廩九座貯穀一萬八百餘石義倉廩五座

貯穀四千餘石廩內積水及牆外四週量深五六尺版板被浸一二三塊不等亦有並未浸及者業經該縣僱夫紮筏趕緊搬運惟積水過重城內形如釜底城外濠底淤高濠外之水高於城內必須挑挖大渠先洩濠水入渠再引城水入濠次第疏通方能得力查得縣城東北隅舊有漳河故道年久廢涸河形尚存中隔高地二里餘趕緊挑挖卽可引水北注與肥鄉之老漳河相通且地勢亦唯該處較低可以宜洩該道等當卽捐資督飭該縣及委員等連夜僱夫測量地平土方丈尺開挖深



通卽日可以放水消潤倉穀亦易於盤運至該縣  
衙署小有傾圮不難補葺其民房間有倒塌並無  
壓斃人口毋庸撫卹其倒塌房間由道府捐貲修  
葺以示體恤其餘四鄉各村莊委員分赴查勘均  
已播種晚禾漚水消沁入土並無損淹等情已飭  
上緊挑渠疏消積水並將被水穀石迅速搬運曬  
晾並行司委員盤量確數就近酌撥大名府屬各  
州縣協濟煮賑應用謹

奏奉

硃批知道了

道光六年六月二十七日

奏爲廣昌縣屬地方驟被山水淹斃兵民現在委員  
馳往查辦恭摺奏

聞事竊據廣昌縣知縣李珍稟報六月十四五日連朝  
陰雨至十六日夜自戌時起至丑時止雷電交作  
大雨如注間距城二十里之白石口村山水陡發  
有衝塌房屋淹斃人口情事當卽馳往查勘緣自  
石口村貼近高山係南北街道水由正南山上直  
下衝入村中致將北關城門以及都司衙署頭門  
並耳房照壁全行衝沒惟軍器火藥等局係在高

坡尚未衝壞淹斃兵丁九名大小人口一百餘名  
衝塌民房約三百餘間查看附近地畝高阜處所  
業已涸出雖禾稼無存尚可趕種晚禾其近山富  
衝及低窪之區受傷較重現將沿河一帶淹斃各  
屍捐給棺木掩埋查其貧乏被衝之戶先爲周恤  
一面趕緊疏消積水再行逐細確查另報並據泰  
寧鎮總兵永明額具稟該處額外外委張玉書居  
住房屋妻女並鈐記委牌亦被衝去該外委從水  
中逃出各等情並據該管易州先後馳報前來  
臣查廣昌縣地處環山每遇夏秋大雨時行常有山

水漲發之事今白石口村突被山水下注淹沒兵民人口衝塌民房並都司衙署北關城門一併被衝形勢實爲驟急飭委候補同知劉恒毓星馳前往會同易州廣昌縣等逐細查勘趕緊疏消積水一面將被衝貧戶先行捐資量爲撫卹並查明衝淹地畝水涸後能否趕種晚秋仍再察看情形應否官爲接濟分別議稟覈辦謹

奏奉

硃批查明據實奏來

道光六年七月十九日

奏爲廣昌縣屬被水村莊已經捐廉撫卹毋庸另議  
調劑恭摺覆

奏事竊查前據廣昌縣知縣李珍稟報六月十四五  
日連朝陰雨至十六日夜雷電交作大雨如注白  
石口村山水陡發衝塌房屋淹斃兵民等情經臣  
一面奏

聞一面卽飭委順德府同知劉恒毓馳往會同易州廣  
昌縣等逐細勘辦去後茲據布政使屠之申詳據  
該委員劉恒毓會同易州知州李鵬稟稱遵卽率  
同廣昌縣知縣李珍勘得該縣白石口村貼近邊

牆屏山環抱村中迤西有河一道自南而北穿村直過嘉慶六年曾遭水患城牆衝塌僅存門樓本年六月十六日夜大雨如注山水直下河道宣洩不及兼之樹木沙石驟然壅塞以致水勢泛濫且時值昏夜無從隄防旣衝塌房屋共四百二十五間淹斃兵民男婦大小一百二十八名口於水落後業經該縣將淹斃各屍捐棺掩埋內有全家衝沒者亦有避就高處苦無所歸者經該州就該村現存各戶倒塌房間捐資按戶散給飭令趕緊建築俾有棲止其被衝之家貧糧盡失共計四十七

戶經該縣李珍捐給米石以資接濟現在積水業已消涸該村民人自可謀生毋庸官爲賑濟其被衝地畝內有沙石壓蓋難以墾復者已飭該縣查明地戶頃畝確數造冊詳請除糧其餘地畝水俱消涸田禾並未受傷不致成災又毗連白石口村之趙家莊亦有淹沒人口倒塌房間被衝地畝悉照白石口村畫一辦理至於沿河各村人口房間均無損傷惟地畝間有被水衝刷俟該縣查勘明確另行詳辦至被衝之都司衙署照壁頭門及兩廂稅房馬棚等項由該營自行請修等情稟由該

司覆覈請具

奏前來臣覆查廣昌縣白石口等村被水之處既據  
委員劉恒毓會同易州李鵬等查勘明確實因連  
被大雨山水陡發所致已將淹斃人口捐資掩埋  
其倒塌房間被水貧戶亦經該州縣捐資捐米分  
別撫卹修葺並勘明積水業已消涸田禾並未受  
傷不致成災自切須另議調劑仍將水衝沙壓難  
以墾復地畝飭令該縣查明地戶頃畝確數造冊  
詳辦除租並將該處都司衙署衝塌門牆房屋等  
項照例另行覈辦謹



奏奉

硃批明白飭查辦理

道光七年六月初五日

奏

臣接據薊州及三河縣稟報該州縣附近低窪各

村莊間有蝻孽萌生已立時捕打淨盡大田並無

損傷現尚實力搜捕各等語臣查薊州三河雖已

捕滅惟時屆溽暑蝻孽最易萌生當卽飛飭專飭

通永道慶綱督同東路同知及營汛各官親歷該

州縣各村多集人夫儘力撲除淨盡一面該廠收

買務期斷絕根株不使滋蔓爲害謹

奏奉

硃批知道了京師自閏五月中旬以後酷暑異常經旬  
不雨甚恐秋稼黃萎如何是好朕心十分焦灼保定  
去京不遠光景想必相似也

道光六年六月二十七日

奏臣前於春間因各屬一冬未得透雪恐一交夏令  
所有去歲飛蝗停落地方不免有遺孽萌動之事  
當經行司通飭各屬會同教佐各官不時分赴四  
鄉督令保甲農民人等預爲搜挖收買以除後患  
嗣據各屬陸續具報或查明並無蝻子或刨獲收

買自百十觔至數千觔不等卽聞有蠕動出土之處俱係形如蠅蟻不成片段均經該州縣立時撲滅惟近據宛平縣稟報縣屬楊家駝寨口村等五處並附近城屬之白家疇石窩等六村莊現有蝻孽萌動當卽會同撲捕復經臣飛飭西路廳督同該縣並派委營弁多集人夫會同不分畛域上緊捕除務期尅日淨盡茲又接據大城天津任邛三縣稟稱本月十三等日見有飛蝗自北而南頃刻卽過隨卽會同教佐營員分投查勘間有零星停落村莊業已督率夫役一律撲淨田禾並無傷損

等情已飭該縣等再行逐細搜查收捕仍隨時加

硃

意巡防毋得稍有懈怠並通查此外各屬有無停

落之處如何撲捕以及飛蝗究竟起自何處據實

馳稟覈辦謹

奏奉

硃批知道了

道光六年七月二十一日

奏前據宛平縣稟報縣屬之楊家坨寨口村等五處

並附近城屬之白家疔石窩等六村莊均有蝻孽

萌動當卽飛飭西路廳派委員弁會同該縣上緊

捕除又大城天津任邱等三縣於六月十三等日  
見有飛蝗自北而南頃刻卽過間有零星停落村  
莊業已隨時撲淨當經臣一面

奏明一面嚴飭該縣等會同委員教佐各官分赴四  
鄉多集人夫再行逐細搜查收捕並通查此外各  
屬有無停落村莊以及飛蝗究竟起自何處據實  
稟報覈辦去後茲據宛平縣稟報已將蝻孽萌動  
之楊家坨寨口村等五處及附城屬之白家疇石  
窩等六村並續行查出之沙澗村灣裏村二處均  
經撲除淨盡此外各屬惟近據蠡縣博野香河豐

潤河間南皮東光寧晉等縣先後具報間有飛蝗  
停落村莊寧河一縣微有蝻孽萌動之處亦經該  
縣等會同教佐營員均已一律撲滅淨盡並無損  
傷田禾等情至於此項飛蝗或係夜間停落不辨  
何處飛來或正在四路差查尚無確切踪跡仍飭  
該縣等再行逐細搜查實力收捕並隨時加意防  
範必須隨有隨除毋得稍有懈怠並再嚴飭各屬  
確查飛蝗究竟起自何處務得切實踪跡據實馳  
稟覈辦謹

奏奉

硃批知道了

道光六年九月二十五日

奏爲查明秋禾被水被雹被旱州縣災歉情形奏懇  
聖恩照例緩徵以舒民力事竊查直屬地方本年秋禾  
普慶豐收惟有濱臨河泊之區或因河水泛注宣  
洩不及或因六七月間雨水過多低窪地畝致被  
淹浸兼有雨中帶雹並因夏間稍形乾旱之順天  
府屬香河盛河文安大城永清東安三河寶坻武  
清薊州永平府屬昌黎撫寧臨榆保定府屬雄縣  
蠡縣新城天津府屬滄州正定府屬樂城順德府

屬唐山廣宗宣化府屬龍門萬全遵化州屬豐潤  
玉田趙州屬隆平與晉定州本境間有被水被雹  
被旱村莊情形不同前據各州縣先後稟報均經  
批司移行該管道府廳州督飭印委各員確勘詳  
辦去後茲據藩司屠之申查明先後稟報歉收共  
計二十七州縣均據各該州縣會同委員陸續勘  
覆到司詳加確覈除順天府屬三河薊州香河永  
平府屬昌黎撫寧臨榆保定府屬蠡縣正定府屬  
樂城順德府屬唐山宣化府屬萬全定州本境等  
十一州縣被水被雹村莊係一隅中之一隅無礙



收成已據各該州縣酌免差徭民情安貼毋庸辦理  
緩徵又南路廳屬文安縣原報被水各村係在大  
窪減賦村莊之內應同趙州屬隆平寧晉二縣  
積澇村莊地畝循照向例另行專案奏辦外所有  
原報被水順天府屬寧河縣東窩莊等二百五十  
八村莊大城縣紀莊等十八村莊永清縣東六等  
五十九村莊東安縣邵家莊等二十八村莊寶坻  
縣石碑莊等四百三村莊武清縣小侯莊等八十  
一村莊保定府屬雄縣古縣等四十二村莊新城  
縣朱家莊等十六村莊天津府屬滄州子來屯等

二十五村莊順德府屬廣宗縣原報被旱賀家莊  
等三十五村莊宣化府屬龍門縣原報被雹三賢  
廟等十二村莊遵化州屬豐潤縣原報被水李千  
莊等二百一十二村莊玉田縣畢家莊等一百二  
十六村莊趙州屬隆平縣苑莊等四村莊寧晉縣  
八里等三十四村莊均已勘明歉收三四分不等  
應徵本節年新舊糧租暨出借銀穀等項均請照  
例緩至次年麥後啟徵以紓民力以上十五州縣  
僅止歉收三四分例無賑濟惟冬春之際如有缺  
乏籽種口糧之戶隨時查明接濟其成熟村莊應

徵新舊糧租仍應照常徵收以供支放等情具詳  
請奏前來並飭藩司將各州縣歉收頃畝細數造  
報到日另行彙覈具

題

奏

道光六年九月二十七日奉

上諭那彥成奏查明州縣災歉情形懇請緩徵一摺本  
年直隸地方秋禾豐收惟間有被水被雹被旱村莊  
據該督勘明除三河薊州等十一州縣無礙收成業  
經酌免差徭毋庸緩徵及文安大窪隆平寧晉等縣

積勞村莊地畝由該督另行奏辦外所有順天府屬  
寧河縣東窩莊等二百五十八村莊大城縣紀莊等  
十八村莊永清縣東六等五十九村莊東安縣邵家  
莊等二十八村莊寶坻縣石碑莊等四百三村莊武  
清縣小候莊等八十一村莊雄縣古縣等四十二村  
莊新城縣朱家莊等十六村莊滄州子來屯等二十  
五村莊廣宗縣賀家莊等三十五村莊龍門縣三賢  
廟等十二村莊豐潤縣李千莊等二百一十二村莊  
主田縣畢家莊等一百二十六村莊隆平縣苑莊等  
四村莊寧晉縣八里等三十四村莊應徵本年節年

新舊糧租及出借銀穀等項俱著加恩緩至來年麥  
後徵以紓民力仍著該督留心察看如冬春之際  
該十五州縣有缺乏籽種口糧之戶隨時奏明接濟  
其成熟村莊應徵新舊糧租仍著照常徵收該部知  
道

道光七年十月初七日

奏爲本年秋禾間有被旱被水之州縣查明歉收情  
形奏懇

聖恩照例緩徵以紓民力事竊查直屬地方春夏之交  
晴雨應時田禾暢茂惟伏內得雨稍遲高阜地畝

致畧形乾旱迨立秋以後大雨時降低窪處所積水又難驟消致秋禾間有被水淹浸之處查保定府屬之高陽天津府屬之青縣靜海滄州南皮鹽山正定府屬之正定靈壽順德府屬之邢臺唐山遵化州屬之玉田趙州屬之隆平寧晉被旱被水情形不同前據各州縣稟報均經批司移行該管道府州督飭印委各員確勘詳辦去後茲據藩司屠之申查明先後稟報歉收共計十三州縣均據各該州縣會同委員陸續勘報到司詳加確覈除天津府屬之南皮縣被旱村莊情形甚輕無礙收

成已據該縣酌免差徭民情安貼毋須辦理緩徵  
又順德府屬之唐山縣被旱各村收成尚屬中稔  
止須緩徵舊欠錢糧另摺具

奏又趙州屬之寧晉縣原報被水各村內之北魚等  
三十四村莊本係積澇地畝循照向例另行專案  
奏辦外所有原報被旱保定府屬之高陽西莊等  
二十六村莊天津府屬之青縣原報被水大杜莊  
等一百一十七村莊靜海縣沈青等五十二村莊  
滄州桃園莊等八十二村莊鹽山縣唐汙等五十  
村莊正定府屬之正定縣原報被旱里雙店等一

十一村莊靈壽縣望山村莊等九十二村莊順德府屬之邢臺縣姚平等四十六村莊遵化州屬之玉田縣原報被水楊家套等一百四十六村莊趙州屬之隆平縣原報被旱梅莊等一百十三村莊寧晉縣原報被水北魚臺等三十一村莊勘明歉收三四分不等應徵本節年新舊糧租暨出借銀穀等項均請照例緩至次年麥後改徵以紓民力以上十一州縣僅止歉收三四分例無賑濟惟冬春之際如有缺乏籽種口糧之戶隨時查明接濟其成熟村莊應徵新舊糧租仍照常徵收以供支



放等情具詳請奏前來並飭藩司將各州縣歉收  
細數造報到時另行彙覈具

題謹

奏奉

硃批知道了

道光九年十月初二日

奏爲查明寧河等州縣秋禾被歉村莊分別緩徵以  
紓民力事竊查直屬地方本年夏春之間雨澤調  
勻田禾一律暢茂緣入伏以後各州縣晴雨不同  
間有未能霑足以及濱臨河泊地勢低窪被水淹

浸之處前經分飭委員履勘並為查報秋禾約收  
案內先將寧河安州靜海滄州南皮鹽山豐潤玉  
田寧晉等九州縣報有被水村莊經臣奏明在案  
嗣又據大名縣具報沿河各村莊被漳水漫淹其  
餘高阜村莊又多缺雨並據長垣縣報有被旱村  
莊隆平縣報有近泊被水之區亦經先後檄飭覈  
實勘辦茲據該管道府廳州督率印委各員勘明  
均止歉收例不成災陸續稟由藩司顏伯燾覆加  
確覈詳請具奏前來除各州縣積勞減賦地畝另  
行專案奏辦外臣查勘報秋禾被水歉收情形稍

重之順天府屬無河縣東窩莊等八十六村莊天津府屬之滄州孫正家莊等十一村莊南皮縣田家寨等七村莊鹽山縣汧裏孫家莊等七十四村壯遵化州屬豐潤縣迷城坨等五十七村莊玉田縣黃家舖等八十六村莊趙州屬隆平縣前汪後汪等二村莊寧晉縣南魚臺等一十八村莊應徵本節年新舊糧租暨出借銀穀等項均請照例緩至次年麥後徵又勘報秋禾被水被旱歉收情形較輕之保定府屬安州東馬莊等一十七村莊天津府屬靜海縣小韓家莊等二十九村莊滄州

前科牛等二十一村莊南皮縣謝家樓等一十三  
村莊鹽山縣張帽圈等一十七村莊大名府屬大  
名縣原報被水之前普安等五十一村莊又被旱  
之中高村等二百一十六村莊長垣縣原報闔境  
被旱之合陽等一千一百四十三村莊遵化州屬  
豐潤縣原報被水越支莊等一百四十村莊玉田  
縣小南莊等一十七村莊若將新舊錢糧同時徵  
納民力未免拮据自應一併奏懇

聖恩將應徵節年糧租暨出借銀穀等項均請緩至次  
年麥後啟徵以紓民力本年糧租等項仍照常徵

收此外成熟村莊應徵新舊糧租等項並飭照常  
徵解以供支放以上十二州縣被歉村莊按通省  
州縣牽算本係一隅中之一隅餘均普律豐收與  
全省大局毫無妨礙並將歉收頃畝細數另行具  
題謹

奏

道光九年十月初七日奉

上諭那彥成查明各屬歉收村莊請分別緩徵一摺直  
隸省本年春夏之間雨澤調勻田禾一律暢茂入伏  
後各屬晴雨不齊間有歉收之處據該督查明懇請

恩施著照所請加恩將被水歉收情形稍重之崑河  
縣東窩莊等八十六村莊滄州孫正家莊等十一村  
莊南皮縣田家寨等七村莊鹽山縣汙裏孫家莊等  
七十四村莊豐潤縣迷城坨等五十七村莊玉田縣  
黃家鋪等八十六村莊隆平縣前汪後汪等二村莊  
寧晉縣南魚臺等一十八村莊應徵本節年新舊糧  
租暨出借銀穀等項均著緩至次年麥後啟徵其被  
水被旱歉收情形較輕之安州東馬莊等一十七村  
莊靜海縣小韓家莊等二十九村莊滄州前科牛等  
二十一村莊南皮縣謝家樓等一十三村莊鹽山縣

張帽圈等一十七村莊大名縣被水之前普安等五十一村莊被旱之中高村等二百一十六村莊長垣縣合陽等一千一百四十三村莊豐潤縣越支莊等一百四村莊玉田縣小南莊等一十七村莊應徵節年糧租暨出借銀穀等項均著緩至次年麥後啟徵本年糧租等項仍照常徵收該部知道

道光十年七月初四日

奏爲勘明被水被雹州縣輕重情形請分別酌免差徭緩徵糧租事竊查直屬本年二麥被水之蠡縣等二十四州縣並被雹之正定等四州縣已於二

麥約收並地震案內先後附

奏欽奉

諭旨著分飭各府廳州委員認真查勘分別辦理毋使  
稍有遺漏欽此當卽欽遵分飭查勘嗣據大城文安  
任邱靜海滄州深澤等六州縣稟有被水村莊並  
據永清磁州保安等三州縣稟報被雹亦經分路  
委員並行該管府廳州督同勘辦在案茲據各府  
廳州並印委各員先後勘覆由藩司顏伯燾覆議  
詳請具

奏前來

臣

逐加確覈今歲直隸所屬自四月至今原



報及續報被水被雹共計三十六州縣內除大城縣原報被雹村莊情形甚輕麥收無礙毋庸議請調劑其續報被水各村並文安河間任邱高陽隆平並晉深澤等七縣所報被水村莊或因民堤漫口或緣濱臨河泊地勢較窪現尚積水未消秋禾又有被淹並不及補種之區情形較重現飭詳細確勘一面先免差徭並停徵糧租均應歸於秋災案內照例通計災歉分數另行

奏辦外其餘查報被水之博野靜海栢鄉等三縣水過卽消於收成毫無妨礙毋庸置議又磁州被雹

僅十二村業經補種晚禾並於地震案內已奏准撫卹蠲免毋庸復請

加恩又前報被水之安州任縣除積澇村莊應俟秋後另行勘辦此外被水各村莊並蠡縣無極南和唐山平鄉鉅鹿永年曲周雞澤高邑等十縣被水村莊以及正定贊皇保安等三州縣被雹各村雖麥收不足而大田現均芄茂可望有收且每縣僅十餘村至數十村不等均係一隅中之一隅情形較輕業經各該縣酌免差徭足資體卹亦毋庸另議調劑惟霸州永清肅寧滄州冀州南宮新河衡水

等八州縣被水被雹各村情形稍重現雖補種晚  
禾而麥收究屬歉薄民力不免拮据又大名縣被  
水村莊情形雖輕因係上年秋禾被歉之區亦宜  
量加體恤惟有仰懇

聖恩俯准將麥禾被雹稍重之霸州高橋等二十三村  
永清縣第五等十二村被水稍重之肅寧縣大史  
堤等五村滄州小嚴鎮臺莊等二十七村冀州順  
民莊等一百三十三村南宮縣大周家莊等八村  
新河縣北鄭家莊等二十六村衡水縣南李家莊  
等一百一十二村應徵本年暨節年糧租同出借

倉穀等項均緩至來年麥後啟徵至大名縣被水之普安等二十六村新賦尚力能輸納其原緩麥後應徵之舊欠錢糧並請准其展緩至本年秋後徵收成熟村莊仍均照常徵解俾紓民力而示區別餘均於秋後察看情形隨時覈辦再查大城縣被水村莊內有王凡等六村因被水較早二麥失收該村民已有乏食之虞現據該管道廳查明議請動支義倉穀石作爲撫卹口糧自應准其辦理飭卽妥速查放仍令勘定災分另行照例覈辦謹

奏

道光十年七月初七日奉

上諭那彥成奏查明被水被雹州縣分別緩徵一摺直隸霸州等州縣據該督查明被災情形自宜量加體恤著照所請所有霸州高橋等二十三村永清縣第五等十二村肅寧大史隄等五村滄州小嚴鎮臺莊等二十七村冀州順民莊等一百三十三村南宮縣大周家莊等八村新河縣北鄭家莊二十六村衡水縣南李家莊等一百一十二村應徵本年暨節年糧租同出借倉穀等項均緩至來年麥後啟徵至大名縣之曹安等二十六村新賦尚能輸納其原緩麥後

應徵之舊欠錢糧准緩至本年秋後徵收成熟村莊  
仍著照常徵解再大城縣之王凡等六村准其動支  
義倉穀石作爲撫卹口糧卽飭該管道廳妥速查放  
以紓民力該部知道

道光十年十月十四日

奏爲查明秋禾被水被旱各州縣災歉輕重情形分  
別蠲緩事竊查直屬地方本年夏秋之間因各屬  
晴雨不齊地勢高窪互異或得雨稍多瀝水滙歸  
河堤漫溢窪村被淹或地處高阜雨未優霑禾苗  
受旱兼有雨中帶雹之處前據順天府屬之薊州

宣河霸州保定文安大城保定府屬之安肅容城  
雄縣安州高陽河間府屬之河間阜城任邱東光  
景州天津府屬之青縣靜海正定府屬之無極順  
德府屬之鉅鹿任縣廣平府屬之磁州宣化府屬  
之延慶冀州併屬之武邑趙州屬之隆平宣晉深  
州併屬之武強定州屬之深澤等三十州縣先後  
稟報被水被旱被雹情形均於查報秋禾約收案  
內先行

奏明一面委員分路往勘嗣又據天津府屬之南皮  
鹽山冀州屬之新河衡水等四縣具報秋禾被旱

復經分飭勘辦並令該管道府廳州督飭確查去  
後茲據各委員會同該州縣逐一勘明經本管道  
府廳州覆查明確由藩司顏伯燾覈明詳請具

奏前來

臣

詳加查覈原續報被水被旱被雹者共三

十四州縣內除勘明霸州水過卽消又延慶州被  
雹僅止六村田禾損傷無幾情形甚輕現在請借  
義穀足資調劑磁州被雹十四村情形亦經查係  
地震之區先已

奏請蠲卹現又議辦煮賑接濟均無庸另議外其餘  
三十一州縣內惟文安大城二縣因河間陳家門



漫水下注驟難宣洩二麥秋禾均被水淹受災較重現已勘明文安縣境內封家頭等九十五村成災五分黃家莊等七村成災六分陳黃甫等四十村成災七分得歸等十七村成災八分馬務營等四十村莊成災九分又大城縣馬莊等二十五村成災五分大流河等三十村成災六分馬六郎一村成災七分王凡等六村成災九分均當照例分別蠲賑以卹災黎合無仰懇

聖恩俯准將該二縣成災六七八九分村莊極次貧民照例給賑貧旗貧士一體賑濟查該縣等存倉米

穀不敷動支應全放折色每米一石照依歷次成案旗民折給銀一兩四錢貧士折給銀一兩所需折色銀兩在於司庫歷年餘剩賑餉併

恩賞經費銀內動撥給領屆期覈實散放均責成本管道廳稽查督辦務使貧民均霑實惠事竣據實報銷其成災五分村莊例無賑恤應同成災六七八九分各村旗民地畝本年應徵租糧照例分別蠲緩帶徵舊欠糧租並成熟村莊新舊糧租出借銀穀等項一體停緩徵收又高陽縣雍城等二十七村勘明被水成災五分南園頭等十九村歉收稍

重又任邳縣孫家莊等十九村勘明被水成災五分南張等二十八村歉收稍重並請將此二縣成災五分村莊本年錢糧照例蠲免帶徵旗租及舊欠銀穀並歉收稍重村莊新舊糧租等項均緩至來年秋後啟徵其成熟各村按例本應一體緩徵第該二縣災村係一隅中之一隅而成熟村莊較多似未便拘例全緩致增積欠應請仍行照常徵解至原報被水之薊州太河莊等一百一十六村寧河縣東西堤頭等二十六村保定縣張青口等十五村安肅縣大辛莊等二十村容城縣西牛等

六村雄縣常家莊等五十七村安州西馬等十二  
村河間縣陳家村等一百一十九村無極縣南流  
等七村鉅鹿縣小官亭等三十一村任縣環水等  
十八村隆平縣陳家莊等二十五村宣晉縣侯家  
口等二十八村深澤縣西內堡等六村又原續報  
被旱之阜城縣張家莊等一百二十五村東光縣  
後安家莊等二百六十六村景州關家河等五十  
三村南皮縣姚家庵等四十二村鹽山縣慈洞莊  
等三十四村冀州魏家屯等三百二十村莊武邑  
縣護駕林等十七村莊深州侯家堤口等三十七

村武強縣劉家頭等三十四村以上二十三州縣  
均勘明歉收情形稍重應請將各該村本節年新  
舊糧租暨出借銀穀並攤徵等項均緩至來年麥  
後徵徵成熟村莊照舊徵收又勘明無極縣被水  
之朱家莊等十六村隆平縣被水之王村等二村  
青縣被旱之雙樓等五十六村靜海縣被旱之東  
賈口等五十三村南皮縣被旱之楊家莊等三十  
七村新河縣被旱之安家莊等七十一村衡水縣  
被旱之上官等二百五村此七縣均歉收較輕並  
請將節年糧租暨出借銀穀等項緩至來年麥後

啟徵應徵本年糧租等項並成熟各村均照常徵收其災歉例不給賑各村冬春之間如查有乏食貧民或動義穀借給口糧或散給粥米以代煮賑現在委員分投察看情形覈實酌辦俾資接濟各處積澇村莊糧賦應豁應減仍循舊例查明專案奏懇

恩施至名該州縣中有因二麥被水已請緩徵村莊現在查明秋禾有收或收成微減與大局情形無礙者業經剔除不復計入以免重複並將災歉州縣頃畝分數另行具

題謹

奏

道光十年十月初七日奉

上諭那彥成奏請將災歉各州縣分別蠲緩賑濟一摺  
直隸本年原續報秋禾被水旱及雹三十四州縣據  
該督查明除霸州被水尚未成災延慶州磁州被雹  
甚輕業經奏動義穀及煮賑接濟外其餘三十一州  
縣災歉較重自宜量加軫恤著照所請加恩將文安  
縣成災六分黃家莊等七村成災七分陳黃甫等四  
十九村成災八分得歸等十七村成災九分馬務營

等四十村莊暨大城縣成災六分大流河等三村成  
災七分馬六郎一村成災九分王凡等六村極次貧  
民給賑貧旗貧士一體賑濟全放折色每米一石旗  
民折給銀一兩四錢貧士折給銀一兩在於司庫歷  
年餘剩賑餉並恩賞經費銀內撥領責成本管道廳  
覈實散放其成災五分之文安縣境內封家頭等九  
十五村大城縣馬莊等二十五村著同成災六七八  
九分各村旗民地畝本年應徵糧租分別蠲緩帶徵  
舊欠糧租並成熟村莊新舊糧租暨出借銀穀等項  
一體停緩徵收高陽縣成災五分雍城等二十七村



耶文安公王王其德書之義

十八村隆平縣陳家莊等二十五村寧晉縣侯家口  
等二十八村深澤縣西內堡等六村又原續報被旱  
查明歉收稍重之阜城縣張家莊等一百二十五村  
東光縣後安家莊等二百六十六村景州關家河等  
五十三村南皮縣姚家庵等四十二村鹽山縣慈洞  
莊等三十四村冀州魏家屯等三百二十村莊武邑  
縣護駕林等十七村莊深州侯家堤口等三十七村  
武強縣劉家頭等三十四村著將本節年新舊糧租  
暨出借銀穀並攤徵等項均緩至來年麥後啟徵成  
熟村莊照舊徵收又無極縣被水之朱家莊等十六

村隆平縣被水之王村等二村青縣被旱之雙樓等  
五十六村靜海縣被旱之東賈口等五十三村南皮  
縣被旱之楊家莊等三十七村新河縣被旱之安家  
莊等七十一村衡水縣被旱之上官等二百五村該  
七縣查明歉收較輕著將節年糧租暨出借銀穀等  
項緩至來年麥後啟徵本年糧租等項並成熟各村  
均照常徵收以紓民力該部知道

賑撫磁州地震

道光十年五月初三日

奏爲省南州縣連日地震將情形最重之區先行撫卹恭摺奏

聞事竊臣於良鄉途次接據藩司顏伯鸞詳稱保定省城於閏四月二十二日戌刻微覺地震少頃卽止當卽飭查近省各州縣是否同時地震有無妨礙旋據磁州稟報本月二十二日戌刻地震起至二十三日巳時始定城垣橋座倉厰監獄衙署以及居民房舍均有隙裂坍塌州署壓斃家人二名磁

州營都司劉文玉被壓受傷尚不甚重此外有無  
傷損人口現在確查另報等情又據稟報同時地  
震之邯鄲縣肥鄉縣城垣衙署倉廩監獄均坍塌  
隙裂其餘永年成安廣平三縣民房間有塌損至  
斜人口均無傷損並准大名道移會大名元城清  
豐南樂開州等州縣同時地震現飭查辦等情詳  
請具

奏前來正在繕摺間復據大名道李德立稟稱磁州  
續報二十三日戌時地復大震民房坍塌過半損  
傷人口亦多州城闕廂及西鄉情形最重南鄉次

之東北兩鄉稍輕小民罹此災異棲身無所並有  
壓斃人口之家情尤可憫亟應照例撫卹該道親  
赴該處擬將傷斃人口各戶散給棺殮之資一面  
搭蓋蓆棚查明實在無力之戶暫予棲止並給予  
餼餅以資果腹其與磁州接壤之邯鄲成安二縣  
續報地震官民房屋亦多坍塌尚無傷斃人口等  
語查該州縣同時地震磁州被災最重先經藩司  
飭委天津府同知顧汝壽馳往會同廣平府知府  
額爾經額分赴各處查勘分別撫卹茲大名道李  
德立業已親往查辦臣復派委候補直隸州白明

義前赴磁州隨同該道確查傷損人口震塌房屋  
各災黎酌量撫卹妥爲安頓不使小民失所其坍  
塌城垣衙署倉廩監獄等項查明分別籌辦另行  
具

奏謹

奏

道光十年五月初五日奉

上諭那彥成奏省南州縣連日地震將情形最重之區  
先行撫卹一摺直隸磁州邯鄲永年成安廣平大名  
元城清豐南樂開州等州縣同時地震磁州被災尤

重城垣橋座倉厥監獄衙署以及居民房舍均有坍塌損傷人口亦多深堪憫惻該督現經委員分赴各該處勘辦著將傷斃人口震坍房屋各災黎酌量撫卹妥爲安頓毋致小民失所毋使稍有遺漏以副朕軫念災黎至意

道光十年五月初三日

奏據磁州稟報該州西鄉彭城鎮有災民扒搶舖面情事現在查拏究辦又據大名道李德立稟河南武安臨漳等縣同時地震情形尤重小民四出討乞謀生紛紛來至直境已派員於接壤處妥爲安



撫資送回籍各等語

臣

查該處被災坍塌房屋亦

必檢拾磚瓦收攬家具且其親丁子女若有損傷

亦須安置豈能輕自棄置况現在正當麥熟之時

斷無不刈獲麥田以爲終歲之計該民人身家之

計方且自顧不暇何能輕去其鄉如此之速卽時

四出求乞

臣

愚昧揣度大率皆係無業之徒查磁

州西鄉山居之民多以燒造缸瓦採挖煤窰爲業

本係無賴游民該處與武安臨漳又係接壤必係

此等無賴將來恐不免有搶奪攫取之事

臣

已飛

咨河南撫

臣

將被災之區及早撫卹一面剴飭藩

司顏伯燾動撥地糧銀三千兩派委清河道徐寅  
第帶同候補直隸州白明義前赴磁州一帶幫同  
大名道李德立分投安撫並委臣標署右營遊擊  
哈振鰲前往會同大名鎮派出員弁稽查彈壓嚴  
行查拏大名地方緊要該鎮薛陞未便與道員同  
時公出臣已照會正定鎮榮玉材令其前赴磁州  
察看情形親往彈壓如有無賴搶奪之人立即嚴  
拏懲辦以期鎮撫兼施地方安貼仰慰

宸厪於萬一謹

奏

道光十年五月初五日軍機大臣字寄奉

上諭據那彥成奏磁州稟報該州西鄉彭城鎮有災民扒搶鋪面情事又據大名道李德立稟河南武安臨漳等縣同時地震小民四出討食謀生紛紛來至直隸境內已飛咨河南撫臣將災區及早撫卹一面飭飭藩司顏伯燾勸撥地糧銀三千兩派員前往安撫等語磁州西鄉山居之民多以燒造缸瓦採挖煤窰爲業本係無賴游民該處與武安臨漳接壤恐此等無賴不免有搶奪攫取之事著該督酌量情形如須親往查辦卽著前往妥爲安撫倘無須該督親往或

著顏伯燾前往該處督率該地方文武名員撫綏彈壓如有搶奪之人立即嚴拏懲辦務須鎮撫兼施地方安貼

道光十年五月初七日

奏爲接奉

廷寄查明省南地震州縣民情安貼奏慰

宸厪事竊

臣

承准軍機大臣字寄五月初五日奉

上諭據那彥成奏磁州西鄉彭城鎮有災民扒搶舖面情事河南武安臨漳等縣同時地震小民四出討乞謀生來至直隸境內已飛咨河南撫臣將災區及早

撫卹一面劄飭藩司動撥地糧銀三千兩派員前往  
安撫等語磁州西鄉山居居民多以燒造缸瓦採挖  
煤窰爲業本係無賴游民該處與武安臨漳接壤恐  
此等無賴不免有搶奪攫取之事著該督酌量情形  
如須親往查辦卽著前往妥爲安撫倘無須該督親  
往或著顏伯燾前往該處督率該地方文武各員撫  
綏彈壓如有無賴搶奪之人立卽嚴拏懲辦務須鎮  
撫兼施地方安貼欽此伏查磁州一帶地震被災兼  
有災民扒搶舖面之事臣接據稟報先擬飭委藩  
司顏伯燾前往安撫因止磁州一處無須藩司馳

往是以奏委清河道徐寅第攜帶司庫銀三千兩  
馳赴該處會同大名道李德立分投撫卹具奏之  
後續據藩司稟該司已先派同知一員州縣二員  
實解銀六千兩赴磁聽候大名道調撥是前後所  
撥銀兩及辦事之員均足敷用連日接據廣平大  
名兩府屬州縣稟報均稱地方安定此時被災之  
戶檢拾木料磚瓦收攬家具及調治受傷受病之  
人刈收麥田各顧身家自謀善後之計貧民得有  
撫卹亦各相安

臣

體察情形似可無須

臣

等前往

督辦正在繕摺覆奏間接據大名道李德立稟稱

該道馳赴磁州路經成安查得該縣城關及東北三鄉倒塌房屋無多惟西鄉毗連磁州各村倒塌房屋約有十分之四尚無傷斃人口貧民露處乏食業經該縣趙庭椿捐資安頓毋庸另請撫卹現飭查明坍塌房間造冊稟報磁州東南北三鄉倒塌房屋城垣廟宇民房全行損塌西鄉彭城一帶相同因人烟稠密居民躲避不及受傷壓斃較多現先酌給掩埋銀兩並分散蓆片令災民搭蓋棲止一面將捐存義穀散給乏食貧民民情已臻安貼游民亦各散謀生並無乘事強搶強借之人

其武安臨漳安陽等縣亦經豫省派員安撫人心  
已定邯鄲境內坍塌房屋較多間有傷斃人口情  
形不重地方安戢現已派員酌帶銀兩前往幫同  
該縣辦理撫卹惟磁州南北西三門及南關大石  
橋全行塌卸該處爲文報往來大道差使行旅絡  
繹不絕現飭該州將南北兩門塌下磚瓦木料先  
行起除並於南關建搭木橋一座以通驛傳而便  
行旅各等語據該道所稟民情安定情形理合詳  
晰具

奏仰慰



聖懷謹

奏奉

硃批所奏俱悉

道光十年五月十九日

奏據派赴磁州幫辦撫卹之清河道徐寅第及大名道李德立先後稟稱連日督率印委各員分路挨查倒塌房屋間數並傷斃人口數目現已編查完竣另行造冊詳報乏食貧民亦經動用義穀均勻散給其城鄉應給埋葬銀兩委員親往按戶給領不假胥役之手惟房屋坍塌過多今若普律給予

修費未免虛糜

帑項自應確切查明分別有力無力核實動支以期  
無遺無濫現在二麥稔收秋禾芄茂農民各安耕  
作市集貿易如常前次扒搶舖戶流民已緝獲成  
起付等九名訛係游手匪徒解赴廣平府城委員  
鞫訊嚴辦無賴游民已知斂跡地方甚爲安戢惟  
自四月二十三日以後地常微震本月初七日又  
復大震所剩房屋全行倒塌幸居民近皆露處或  
搭席棚棲身是以並未傷斃人口等語臣查磁州  
一帶所需倒塌房屋修費及埋葬銀兩前經奏明

撥給銀九千兩不敷應用已續撥銀一萬兩茲體  
察情形災民覆巢之厄殊堪憐憫若俟該道等咨  
領到日再行撥解恐緩不濟急已飭藩司即日籌  
撥銀四萬兩委員解往備用有餘不敷事竣據實  
奏報至該州城垣衙署監獄倉廩俱已倒塌現飭  
該道等分別緩急估計修復所需銀數俟詳到卽  
行彙奏該處地方旣已安定臣前次奏委前往彈  
壓之正定鎮榮玉材已劄調回鎮其餘各文武仍  
留在彼彈壓撫卹謹

奏

道光十年五月二十一日軍機大臣字寄奉

上諭據那彥成奏磁州一帶自閏月二十三日以後地  
常微動本月初七日又復大動將前此被震所剩房  
屋全行倒塌因居民先期露處或搭蓋席棚棲止是  
以尚未傷斃人口復飭藩司等撥銀四萬兩委員解  
往備用等語磁州等處地震情形甚重應行撫卹各  
事宜既據該督籌撥銀兩分別辦理著俱照所議妥  
辦俾免災黎失所至該處地方現已安靜前經派往  
文武各員自無須多人在彼除正定鎮總兵榮玉材  
業經回任外其餘員弁著該督酌留應用人數足敷

查辦彈壓餘卽撤回以免滋擾

道光十年五月三十日

奏爲查明磁州等州縣地震輕重情形分別動項卹  
賞恭摺奏懇

聖恩俯准蠲緩本年下忙正耗錢糧以紓民力事竊查  
磁州一帶地震情形併動撥司庫銀兩委員查辦  
撫卹各事宜經臣先後奏蒙

聖鑒分飭趕緊查辦在案茲據大名道李德立會同清  
河道徐寅第督率各該府州縣暨委員分投查明  
同時地震之大名元城清豐南樂開州永年廣平

肥鄉並此外各州縣或微震卽止毫無妨礙或震動稍久民間舊屋間有坍塌已由該州縣自行捐資安撫毋庸議辦惟磁州自閏四月二十三日以後地常微動至五月初七日又復大震房屋全倒情形最重邯鄲次之成安較輕凡被壓受傷人口及倒房露處之戶已由地方官捐給醫藥蓆片毋庸動項其壓斃人口應給埋葬銀兩並坍塌修費直隸並無辦過成案應援照水災淹斃人口並被衝民房之例每大口給埋葬銀二兩小口一兩又瓦房每間給銀一兩土草房五錢每戶不得過三

問之數分別有力無力覈實支放並將災村乏食貧民將義倉穀石散給以作口糧現已查明成安縣被災之溫連送等二十三村並無壓斃人口其乏食貧民業經該縣趙庭椿捐資安撫毋庸再給口糧震坍民房查明無力應給修費者共死房七百一十三間土房四百二十九間共需銀九百二十七兩五錢邯鄲縣城關及西南莊等一百九十六村共壓斃男婦大口一百七十七名口小口一百十五名口共應給埋葬銀四百六十九兩震塌民房查明無力應給修費者死房二千二百九十

一間土房七千六百十一間共需銀六千九十六兩五錢散給被災乏食貧民口糧共用義倉穀二千九十一石磁州城關及彭城鎮等被災四百一十三村歷斃男婦大口二千七百七十五名口小口二千七百一十名口應給埋葬銀八千二百六十兩震場民房查明無力應給修費者瓦房九千九百五間土房六萬六千五百五十三間共需銀四萬三千一百八十一兩五錢散給被災乏食貧民口糧共用義穀一萬一百五十七石一斗四升九合統計磁州邯鄲二州縣動用義穀一萬二千



二百四十八石一斗四升九合磁州邯鄲成安三  
州縣共需埋葬修費銀五萬八千九百三十四兩  
五錢聲明埋葬銀兩口糧義穀均已隨查隨放所  
需倒房修費已先按戶散票示期給領惟居民遭  
此異災元氣未能驟復已飭該州縣分別酌免差  
徭體察情形應請將磁州邯鄲成安三州縣本年  
下忙正耗地糧量予蠲緩等情由藩司顏伯燾核  
明詳請具

奏前來臣查磁州等州縣所需倒房修費及埋葬銀  
兩先已在於司庫地糧等款共動撥銀五萬九千

兩解往備用經臣先後奏蒙

聖鑒今該道等督率印委各員查明實需銀五萬八千九百三十四兩五錢應請在於撥解銀內如數動支核實散放事竣造冊報銷仍將餘剩銀六十五兩五錢解司歸款至義穀本係民捐民用今村民猝被震災待哺情急將原捐穀石散作口糧較動放折色更有實濟應請作正開銷卽於奏銷項下按數聲除毋庸另冊報銷以歸簡易至災民遭此覆巢之厄較之水旱備災尤爲可憫目前情形無論平時有力無力皆屬凋疲卽使秋收豐稔元氣

亦難驟復若仍照常催科民力實有不逮自當仿  
照災歉例案分別蠲緩以甦民困查磁州受災最  
重該州應徵本年上忙地糧已經徵解應請將民  
欠未完本年下忙地糧正耗銀兩仰懇

聖恩全行蠲免邯鄲被災情形稍次第災村旣多民力  
亦屬拮据間有未經被災村莊亦屬無幾應請將  
該縣闔境同成安縣被災之溫連送等二十三村  
應徵本年下忙地糧正耗銀兩並懇

聖慈俯准緩至來年麥後徵以紓民力各該州縣被  
災村莊應辦差徭分別寬免所需查災官役盤費

造冊紙張飭俟事竣據實造冊報銷其震塌衙署  
監倉城垣廟宇橋座墩撥應行修復查衙署爲辦  
公之所倉厩攸關儲積監獄羈禁罪囚必須趕緊  
修建城垣廟宇橋座墩撥堪以緩至來春興辦現  
飭該管道府分別緩急次第估辦其餘一切事宜  
並今冬來春應否再行調劑之處容隨時查明

奏辦原派文武各委員已分起撤回不致稍有滋擾  
未盡事宜責成大名道李德立一手經理再磁州  
彭城鎮災民扒搶舖戶一案前已奏明獲犯成起  
付等九名俟該府及委員等審擬到日另行照例

辦理謹

奏

道光十年六月初一日奉

上諭那彥成奏查明地震州縣情形分別動項卹賞並  
懇恩蠲免錢糧一摺直隸地震磁州受災最重其次  
邯鄲成安二縣均亦成災據該督查明業經遵旨將  
被災各戶給予修房埋葬銀兩乏食貧民散給義倉  
穀石此項動用銀五萬八千九百三十四兩零准其  
在前撥司庫銀內如數支放事竣造冊報銷其動用  
義穀一萬二千二百四十八石零准其作正開銷卽

於奏銷項下按數聲敘毋庸另冊報銷此次災民被  
震較之水旱偏災尤爲可憫所有磁州民欠未完下  
忙地糧正耗銀兩著加恩全行蠲免邯鄲縣全境及  
成安縣被災之溫連送等二十三村應徵本年下忙  
地糧正耗銀兩均著緩至來年麥後啟徵應辦差徭  
分別寬免所需查災官役盤費及造冊紙張事竣核  
實報銷被震之衙署監倉城垣廟宇橋座墩撥分別  
緩急與辦至該州縣災民現雖撫卹安貼但恐秋後  
天氣漸寒無所棲止著該督隨時察看情形如尚須  
調劑卽行具奏斷不可稍涉玩視毋令一夫失所該

督卽刊刻謄黃通行曉諭其應辦一切事宜著責成  
大名道李德立認真經理務期實惠及民毋任胥吏  
稍有尅扣侵蝕如所辦妥協著該督據實聲明具奏  
倘辦理不善卽行嚴叅該員係大計卓異人員著俟  
事竣後再行送部引見

道光十年七月初四日

奏爲查明地震被災之營汎兵力拮据恭摺奏懇

聖恩俯准賞借兵餉以資接濟事竊照磁州邯鄲地震  
被災最重民間坍塌房舍被壓葬埋等費業經分  
別撫卹按戶實給先後奏

聞在案茲據大名道李德立會同大名鎮查明磁州營  
邯鄲汎防守兵丁廬舍同被震塌什物全行砸毀  
現需修葺房屋置備傢具兵力頗形拮据請援照  
道光六年大名等縣被旱災借過兵餉之案懇借  
給該兵丁等一季餉銀共一千六百六兩二錢俾  
資苦蓋所借銀兩於司庫建贖項下撥給分作八  
年按季扣還歸款等情由藩司顏伯燾覈議詳請  
具

奏前來

臣

查磁州營邯鄲汎各兵丁住宅既亦同被

震塌該兵丁等均屬貧苦平日關領餉銀僅敷當



差及贍養身家之計今災出不意房居震坍無所棲止較之水旱災歉尤堪憫惻自應一並量予調劑以示體卹可否仰懇

聖慈俯准借給一季兵餉抑或

加恩賞給之處出自

皇上逾格鴻施臣未敢擅便謹

奏

道光十年七月初七日奉

上諭那彥成奏地震被災之營汛兵力拮据請賞借兵餉一摺直隸磁州營邯鄲汛防守兵丁廬舍全被震

塌現需修葺兵力未免拮据據該督查明請借給餉銀以資苦蓋第念該兵丁等所領餉銀僅敷當差養贍之用今災出不意棲止無所殊堪憫惻著加恩賞給一季餉銀共一千六十六兩零准於司庫建曠項下撥給無庸按季扣還以示體卹該部知道

道光十年七月十二日

奏爲查明磁州等州縣震災辦理妥協遵

旨據實具奏並將出力各員恭懇

聖恩量予鼓勵事竊臣前於五月內將磁州等州縣地震派委清河道徐寅第會同大名道李德立督飭

印委各員勘明被震輕重情形分別動項賞卹並  
請蠲緩錢糧緣由具奏欽奉

上諭那彥成奏查明地震州縣情形分別動項卹賞並  
懇恩蠲免錢糧一摺直隸地震磁州受災最重其次  
邯鄲成安二縣均亦成災據該督查明業經遵旨將  
被災各戶給予修房埋葬銀兩乏食貧民散給義倉  
穀石此項動用銀五萬八千九百三十四兩准其在  
前撥司庫銀兩如數支放事竣造冊報銷其動用義  
穀一萬二千二百四十八石零准其作正開銷卽於  
奏銷項下按數聲除毋庸另冊報銷此次災民被震

較之水旱偏災尤爲可憫所有磁州民欠未完下忙地糧正耗銀兩著加恩全行蠲免邯鄲縣全境及成安縣被災之溫連送等二十三村應徵本年下忙地糧正耗銀兩均著緩至來年麥後改徵應辦差徭分別寬免所需查災官役盤費及造冊紙張事竣核實報銷被震之衙署監倉城垣廟宇橋座墩撥分別緩急興辦至該州縣災民現雖撫卹安貼但恐秋後天氣漸寒無所棲止著該督隨時察看情形如尚須調劑卽行具奏斷不可稍涉玩視毋令一夫失所該督卽刊刻謄黃通行曉諭其應辦一切事宜著責成大

名道李德立認真經理務期實惠及民毋任胥吏稍有尅扣侵蝕如所辦妥協著該督據實聲明具奏倘辦理不善卽行嚴叅該員係大計卓異人員著俟事竣後再行送部引見欽此當卽欽遵轉行遵辦一面敬謹刊刻謄黃頒發該州縣通行曉諭並將各災區近已連得透雨秋收可望接濟民氣安靜情形業經奏

聞在案茲據該道等將查災及派令彈壓安撫之出力各員分別稟請獎勵由藩司顏伯璽臬司花杰覈明詳請具

奏前來

臣

查磁州等州縣猝遭地震災出不意該道

李德立接據稟報立即親往於路經成安並行抵  
磁州卽先將安撫大局布置周妥不使小民失所  
旋復會同清河道徐寅第督率印委各員分路挨  
查將壓斃人口應給埋資並倒房無力之戶應給  
修費均核實動支按戶給領計一月之內普律完  
竣當災民覆巢之厄一切彈壓撫綏頭緒繁多較  
查辦水旱災賑尤爲急要該道等鎮撫兼施次第  
查辦俾災黎速沾實惠咸臻靜謐實屬辦理妥協  
相應遵

旨據實聲明具

奏並查明在事出力人員除大名道李德立清河道  
徐寅第均係監司大員不敢仰邀議敘外查有天  
津府同知顧汝壽係先經藩司派往勘查該員於  
辦理撫卹實力勾稽事竣後復將被震州縣衙署  
監倉等要工綜計善後籌畫妥善洵屬奮勉急公  
又候補直隸州知州白明義周慙災區彈壓撫綏  
並督率試用縣丞徐嗣曾儘先補用未入流葛若  
璜等分查戶口核實卹賞並無遺濫辦理安靜迅  
速甚屬勤勞又磁州知州沈旺生邯鄲縣知縣富

陞額承辦本地方災務一手經理實惠及民悉臻  
妥善合無仰懇

天恩俯准量加鼓勵將天津府同知顧汝壽儘先陞用  
磁州知州沈旺生邯鄲縣知縣富陞額以應陞之  
缺陞用候補直隸州知州白明義試用縣丞徐嗣  
曾未入流葛若璜均於補缺後各按本班以應陞  
之缺陞用又正定府同知陶金殿調赴磁州幫同  
查災卽派令承審流民扒搶舖戶之案該員細心  
審理無辜得免株累今事竣丁憂將來服闋例歸  
部選該員在直年久熟悉情形並懇



聖慈准俟服滿留直於補缺後以應陞之缺陞用又肥鄉縣知縣汪玉海先將本境被震之區自行捐資安撫旋又幫查磁州邯鄲兩州縣災戶辦理認真應請

賞加知州銜又試用未入流岳濤隨同查辦撫卹始終勤奮應請儘先補用又磁州汎千總李世榮會同文員稽查彈壓亦屬周妥併請以應陞之缺陞用又大名鎮右營遊擊張世澤前經派赴磁州鼓城鎮彈壓數月以來宵小斂跡商民安堵應請

旨交部從優議敘又磁州營都司劉文玉鼓城汎千總

郝得貴邯鄲泚干總曹成稽查外來遊民幫同彈壓撫卹均著有微勞應請一併交部議敘以示鼓勵以上各員最爲出力其餘出力各員由臣存記分別記功獎勵未敢一律濫保謹

奏

道光十年七月十五日奉

上諭那彥成奏查明磁州等州縣辦理災務出力各員請予鼓勵一摺直隸磁州等州縣地震曾降旨令該督察看情形妥爲撫卹茲據那彥成查明當災民被災一切布置事宜經道府等次第撫綏咸臻靜謐自

應量予恩施大名道李德立清河道徐寅第著加恩  
交部議敘其餘或彈壓地方或分查戶口均著微勞  
亦應分別鼓勵著照所請天津府同知顧汝壽准其  
儘先陞用磁州知州沈旺生邯鄲縣知縣富陞額在  
以應陞之缺陞用候補直隸州知州白明義試用縣  
丞徐嗣曾未入流葛若璜均著於補缺後各按本班  
以應陞之缺陞用正定府同知陶金殿現經丁憂服  
闋例歸部選准其服滿留於直隸於補缺後以應陞  
之缺陞用肥鄉縣知縣汪玉海著賞加知州銜試用  
未入流岳濤著儘先補用磁州知州總李世英著以

應陞之缺陞用大名鎮右營遊擊張世澤著加恩交部從優議敘磁州營都司劉文玉鼓城汛千總郝得貴邯鄲汛千總曹成均著加恩交部議敘

道光十年七月十二日

奏查磁州稟報地震之時適

臣

駐劄易州雖卽派委

文武各員前往撫綏彈壓而文檄往來較之總已遲延數日藩司顏伯燾接據稟報立即遴派委員攜帶司庫銀兩星夜馳往查辦且甫經被災之時民間蓋藏均在瓦礫之中市糴無人販賣民食不繼該司批飭府州卽時散放義穀一萬二千餘石

遠近災民藉資接濟人心得以安定該司隨一面稟臣一面迅速飭辦並不拘泥稟商以是查災卹賞一月之間諸事完竣實屬深知政體辦事勇決惟藩司大員不敢仰邀議敘據實奏

聞謹

奏

道光十年七月十五日奉

上諭那彥成又另片奏藩司顏伯勳飭辦迅速深知政體並著加恩交部議敘該部知道

道光十年九月二十五日

奏爲查明本年地震災重之區應於冬月設廠煮賑  
以惠窮黎事竊照本年夏間直隸磁州邯鄲成安  
等三州縣猝遭地震居民受災頗重當經臣派員  
查明

奏奉

恩准分別動項卹賞俾掩埋修葺各有所資凡在災黎  
莫不感戴

鴻慈共安生理嗣於七月間

奏請興修衙署案內復奉

諭旨該處被災較重仍當隨時訪查如有應須撫卹接

濟之處著卽奏明辦理務期實惠及民毋令失所欽  
此仰見我

皇上念切民依痾瘼在抱之至意當卽欽遵飭該管道  
府就近確查並隨時派委文武員弁常川稽查仍  
勸諭居民速將倒塌房屋修葺便於棲身茲據大  
名道李德立查得磁州境內西鄉被災爲最重倒  
塌房屋已擇要苦葺十之四五此外東南北三鄉  
亦各修葺十之六七察看輿情甚爲安貼以所修  
房屋而論目前已較棲息因地氣未靜尚有修而  
未居之戶俟稍遲就可移住不致有露處之虞卽

鄆縣境震塌民房修建大半間有尚未苫蓋者詢  
係閒房可以緩修刻下已無搭篷露宿之人成安  
被災二十三村房屋將次蓋齊民情俱臻靜謐惟  
該州縣本年秋收中稔在素來家計殷實者自可  
支持而恒產無多之戶已形竭蹶其無業貧民秋  
令冬初均俱工作餬口以後工作俱停該貧民口  
食無資恐致流離失所必須設廠煮賑以資安頓  
等情由藩司顏伯燾覈議詳請具

奏前來臣查磁州邯鄆成安三州縣震災之後經大  
名道李德立查明民情安貼各處震塌房舍或已



修整或雖未修齊而災黎已俱棲身有所自可無虞露處第甫被重災正值冬令停工無業貧民固已覓食維艱而素鮮恒產者亦不免乏食自應仰體

皇仁預籌接濟查磁州現存常平食穀一萬三千餘石邯鄲縣現存常平倉穀一萬三千餘石義倉存米六千五百餘石應請於十一月初一日起至來年正月月底止各按災村多寡於適中之處分設粥廠煮賑三個月有義穀者動用義穀如無義穀卽動常平均碾米煮放如開賑後領食之人較衆約計

存穀不敷或於鄰封協撥或發價採買再行隨時  
酌辦所需柴薪及員役盤費飯食銀兩均照例請  
銷在於司庫存公耗羨銀內支發仍責成大名道  
李德立督同大名府知府霍登龍候補直隸州劉  
若珪等分投認真稽查督辦並令先往察看地方  
形勢酌定設廠處所議立章程務期便民無弊俾  
隆冬沍寒之際老穉咸資果腹共獲生全則羣感  
聖澤汪洋同沾

實惠並咨河南撫

臣

於毘連之安陽等處查明酌辦免

致越境就食聚衆生事謹

奏

道光十年九月二十八日奉

上諭那彥成奏查明地震災重之區請於冬月設廠煮賑一摺本年直隸省磁州邯鄲成安三州縣地震被災最重當經降旨分別賞卹現在民情安貼露處無虞惟正值冬令停工在無業貧民固難於覓食而素鮮恒產者亦不免拮据據該督查明磁州現存常平倉穀一萬三千餘石邯鄲縣現存常平倉穀一萬餘石義倉存穀三千餘石成安縣現存常平倉穀一萬三千餘石義倉存穀六千五百餘石奏請設廠煮賑

以資接濟加恩著准其於十一月初一日起至來年  
正月底止各按災村多寡於適中之處分別設粥廠  
煮賑三個月有義倉者用義穀如無義穀卽動常平  
倉穀均碾米煮放如開廠後領食之人較衆約計存  
穀不敷或於鄰封協撥或發價採買再行隨時酌辦  
所需柴薪及員役盤費飯食銀兩均著照例開銷在  
於司庫存公耗羨銀內支發卽責成大名道李德立  
督同大名府同知霍登龍候補直隸州劉若珪等分  
投認真稽查督辦該督仍派委監司大員不時到廠  
嚴密訪查如有浮開戶口及尅扣偷減情弊卽行據

實嚴衆務期窮黎咸資鼓腹用副朕加惠災區至意  
該部知道

道光十年十二月初八日

奏爲磁州等州縣地震災區設廠煮賑現在辦理安  
靜情形恭摺奏

聞事竊照本年直屬地震被災較重之磁州邯鄲成安  
三州縣先經臣奏請分別撫卹嗣因災區無業貧  
民及素鮮恒產之家恐隆冬不免乏食復請自本  
年十一月起至來年正月底止設立粥廠煮賑三  
個月以資貧民口食仰蒙

恩允在案臣於奉到

諭旨卽行據大名道李德立議立章程稟經臣督同藩司嚴定飭令各員分投設廠趕辦並卽遵

旨派委清河道徐寅第不時到廠嚴密訪查據該道等先後稟報磁州被災較重設廠八處邯鄲被災較輕設廠四處成安係屬偏災設廠二處統於十一月初一日開賑放旋因磁州爲南北通衢被災較輕現設南北兩鄉粥廠相距四十餘里貧民就食太遠復經該道等議請於兩鄉適中之地添設粥廠一處亦於十一月十五日續行開賑該州縣

等或動常平倉穀或動義倉穀石俱由委員眼同  
覈實限煮每日按大口米三合小口減半均有盈  
無絀其粥皆稠厚潔淨煮熟後先由監煮各員自  
行嘗食再用較準烙印木杓按名放給書役人等  
無從尅扣滋弊領粥時男婦分別入廠挨次給籩  
散放魚貫而出亦無擁擠混雜之虞民情甚爲安  
靜茲計自十一月初一日起截至三十日止磁州  
九廠每日每廠領粥人數六七百口至一二三千  
餘口不等共計一月賑過男婦大口十九萬七千  
二百九十三口男女小口十七萬九千四十一口

邯鄲縣西廠每日每廠領粥七百數十口至一二千餘口不等共計一月賑過男婦大口十二萬九千四百九十五口男女小口九萬三千三百五十五口成安縣二廠每日每廠領粥數百口至一二千餘口不等共計一月賑過男婦大口七萬七千六百七十五口男女小口二萬一千四百七十五口臣以此次毘連三州縣共設粥廠十五處窮黎旣源源就食日有增多時屆歲暮恐有外來之人溷迹滋事稽查彈壓最關緊要現已劄飭大名鎮薛陞正定鎮榮玉材輪流前往巡查粥廠一面鎮



靜彈壓仍責成大名道李德立清河道徐寅第輪赴各廠督同印委各員始終妥協經理務使實惠均沾毋許日久怠玩以仰副我

皇上加惠災黎至意容俟賑竣將用過銀穀覈實報銷謹恭摺奏慰

宸懷謹

奏奉

硃批知道了

道光十一年正月二十五日

奏爲磁州等州縣粥廠上年十二月分放過男婦大

小口數暨用米數目事竊照磁州邯鄲成安三州縣上年地震被災較重經臣奏請自十一月起至本年正月月底止設廠煮賑以資貧民口食業將該州縣設廠數目並十一月分領粥男婦大小口數暨委員輪赴各廠稽查彈壓及災黎安謐情形奏蒙

聖鑒在案誠恐印委各員經理未能終始妥協復經臣飭令督辦賑務各員嚴密訪查茲據大名道李德立等稟報該道等周歷設廠處所密加查察印委各員均係遵照議定條規盡心經理煮粥亦極稠

厚貧民赴領甚爲安靜茲自十二月初一日起至三十日止每日每廠領粥大小男婦自數百名至一二千名不等磁州九廠統共散放男婦大口二百一十二口用米九百四十九石四斗四升九合卽鄆廠統共散放男婦大口九萬八千四百三十六口小口六萬三千八百零用米三百九十一石零一升五合五勺成安二廠統共散放男婦大口六萬八千八百一十三口小口一萬八千九百六十口用米二百三十四石八斗七升九合委係實

惠及民並無捏報情弊等情稟請具

奏前來臣覆查無異現在殘冬已過且該州縣於十

二月下旬亦已同被雪澤麥收可望豐稔民情極  
爲安貼堪以仰慰

聖懷除責成該道等輪赴各廠督同印委各員始終妥  
協經理毋使日久怠玩統俟正月內賬務完竣卽  
行撤廠並將用過銀穀覈實報銷謹

奏奉

硃批知道了

道光十一年二月初五日

奏爲磁州等州縣粥廠本年正月分散過男婦大小口數暨用米數目並現已撤廠事竊照磁州邯鄲成安三州縣上年地震被災較重經臣奏請自上年十一月起至本年正月底止設廠煮賑以資貧民口食業將該州縣設廠數目並十一十二兩月分領粥男婦大小口數暨用米數目並委員輪赴各廠稽查彈壓及災黎安謐情形先後奏蒙

聖鑒並諄飭督辦賑務各員始終妥協經理在案茲據清河道徐寅第大名道李德立稟報本年正月初一日起至二十九日止磁州粥廠九處一月內共

計散放大小男婦五十九萬一千四百六十八口  
共用米一千四百十七石二斗一升六合五勺邯  
鄲縣粥廠四處一月內共計散放大小男婦二十  
九萬七千四百五十四口共用米七百一十一石一  
斗六升八合成安縣粥廠二處一月內共計散放  
大小男婦十一萬三千六百十五口共用米三百  
零七石七升八合五勺以上三州縣分設粥廠十  
五處按三個月統計磁州共散放大小口一百三  
十七萬三千一百四十一名統共用米三千二百  
二十七石一斗六合邯鄲縣共散放大小口六十

八萬一千五百四十五名統共用米一千六百三十石零七斗一合成安縣共散放大小口三十萬零五百三十八名統共用米八百零七石一斗九升五合經該道等督同廣平府知府額爾經額候補直隸州知州白明義劉若珪周歷稽查委係實惠及民並無尅扣滋弊該災黎等渥沐

皇仁三月之久果腹有資俾免失所莫不同聲感頌現在已滿三月之期時屆春融民間未修房屋逐漸興工且各境疊霑雪澤東作方興無業貧民均可傭趁謀食體察輿情甚爲安貼應將各廠全行停

撤其在事文武委員飭令回任及回省郡當差等情稟請具

奏前來臣覆核無異仍飭該三州縣將散放過口數米數及需用柴薪官役盤費飯食等項趕造清冊據實報銷再該州縣此次煮賑設廠十五處需員甚多時經冬臘正三月爲期較久所有印委各員均能仰體

皇上惠愛黎元之意不辭勞瘁衝寒查辦杜絕積弊盡心經理俾災氓悉沾實惠洵屬始終勤奮除該地方官係分內應辦之事毋庸獎勵並分廠辦理之



丞倅及候補試用各員由臣飭司分別記功拔署外其清河道徐寅第大名道李德立督辦賑務最爲出力廣平府知府額爾經額督飭該牧令等實心任事弊絕風清民沾實惠候補直隸州知州白明義總辦賑務布置有方認真稽查始終其事任勞任怨該四員可否籲懇

天恩交部從優議敘又專辦邯鄲縣賑務兼辦磁州十里鋪賑廠經理得宜不辭勞瘁之候補直隸州知州劉若珪分廠認真經理始終勤慎之肥鄉縣知縣汪玉海在廠往來彈壓始終不懈之大名鎮右

營遊擊張世澤等三員應請一並

准予議敘以示獎勵出自

聖慈謹

奏

道光十一年二月初八日奉

上諭那彥成奏磁州等州縣辦理賑務完竣一摺上年直隸磁州邯鄲成安三州縣地震被災較重經該督奏准設廠煮賑茲據查明各該州縣災民均沾實惠不致失所現在已滿三月之期體察輿情甚爲安貼業將各廠全行停撤請將督辦賑務出力各員量予

恩施清河道徐寅第大名道李德立廣平府知府額爾經額候補直隸州知州白明義均著交部從優議敘候補直隸州知州劉若珪肥鄉縣知縣汪玉海大名鎮右營遊擊張世澤均著交部議敘以示獎勵

道光十年十二月初十日

奏爲查明本年災歉州縣來春應行分別接濟遵

旨事竊臣承准

廷寄欽奉

上諭本年直隸磁州等三州縣被震霸州等九州縣被水被雹已隨時加恩分別撫卹蠲緩小民諒可不致

失所惟念來春青黃不接之時民力不免拮据著傳  
諭該督體察情形如有應須接濟之處卽查明據實  
覆奏候朕於新正降旨加恩再直隸薊州等十九州  
縣被淹景州等九州縣被旱磁州延慶州被雹已據  
該督奏明隨時撫卹及委員查勘亦著迅速辦理並  
將來春應否接濟之處一並查明於封印前奏到欽  
此仰見我

皇上行慶施惠

澤周蔀屋之至意欽感實深伏查本年直隸地方磁州  
等三州縣被震霸州等九州縣二麥被水被雹薊

州等十九州縣秋禾被雹又南皮鹽山新河衡水等四州縣續報秋禾被旱統計先後具報被震被水被旱被雹者四十六州縣此內磁州霸州薊州衡水新河等五州縣係一處而分次具報應歸總併計實止四十一州縣前均奏奉

恩旨分別賑濟蠲緩並出借口糧以資接濟小民莫不感戴

皇仁同聲籲頌今復以來春應否接濟仰荷

聖慈垂詢當卽遵

首行司飭查去後茲據各該州縣查明情形經該管道

府廳州陸續議覆由署藩司覈明詳請具

奏前來

臣

詳加查覈除薊州宣河霸州永清保定安

肅容城河間肅寧阜城任邱景州東光青縣靜海  
南皮鹽山鉅鹿任縣大名冀州南宮新河衡水武  
邑隆平宣晉深州武強深澤等三十州縣或麥田  
微歉秋稼有收或麥秋各有被歉村莊情形較輕  
皆係一隅中之一隅已有冬月酌借口糧並經分  
別蠲緩糧賦足資體卹察其來春情形尚可支持  
毋庸另議調劑如果春夏之交市糧昂貴應須借  
糴隨時酌辦惟薊州邯鄲成安等三州縣今夏猝

遭地震屋塌人傷受災較重雖已分別蠲緩撫卹並設廠煮賑至來年正月已可不致失所第重災之後來春有地無力貧民難免缺乏種糧又雄縣安州高陽滄州無極延慶等六州縣災歉村莊例無賑濟來春青黃不接之時貧民亦不免乏食並缺乏籽種合無仰懇

天恩俯准將磁州等九州縣明春分別借給籽種並賞給口糧俾資接濟屆期查明人口地數多寡擬定確數或動支義穀或暫借司庫折色銀兩嚴實辦理其有糧價昂貴之處亦卽動支倉穀減價平糶

以濟民食仍隨時報部覈辦又查被水成災之文  
安大成二縣係按例賑濟之區情形較重並被震  
災最重之磁州等三州縣間閭俱鮮蓋藏若將來  
年上忙新賦照常徵收民力實有未逮並懇

聖恩將磁州邯鄲文安大城等四州縣全境村莊並成  
安縣溫連送等二十三村莊應徵道光十一年上  
忙糧租等項均緩至秋後徵徵以蘇民困而示體  
卹謹

奏奉

硃批候旨行



道光十一年正月初四日奉

上諭上年直隸磁州等四十一州縣被震被水被旱節  
經降旨分別蠲緩小民饑口有資無虞失所惟念東  
作方興青黃不接小民蓄藏未裕恐不免拮据加恩  
著照所請將磁州邯鄲成安雄縣安州高陽滄州無  
極延慶九州縣分別借給籽種並賞給口糧其磁州  
等四州縣全境村莊並成安縣溫連送等二十三村  
莊應徵道光十一年上忙糧租等項均緩至秋後啟  
徵該督務須飭屬認真經理俾小民益臻寬裕用副  
朕履端布閭加惠閭閻至意該部卽遵諭行

那文毅公二任直隸總督奏議卷六十三

那文毅公二任直隸總督奏議

卷六十三

一頁